

天津府志第三函

教育部圖書室

22.621012
1035.073
:16

16



Kodak Color Control Patches

重修天津府志卷三十四

經政八

祀典

天津府

天津縣附郭

社稷壇

在城西

天津縣各壇附
府壇側前志

文廟

詳學校

先農壇

在城西

蔡啟盛案今在馬家
口此西字蓋東之誤

神祇壇

在城南

俱同上

武廟

在城內西北隅卽故武學學廢廟存今亦

圮每歲除地以祭

采訪冊



考三十五

2270416

關帝廟 官致祭者在城內戶部街采訪冊 民間

別建者一在西門外舊在南門內明永樂四年建

後移前志 一在北門子城內同明嘉靖年建

國朝雍正初重修縣志 一在北倉前志 一在河東陳

家溝 一在城東北隅名三義廟明永樂間重建

俱同上

國朝乾隆年重修縣志 一在稍直口舊為觀音堂明

季建

國朝康熙年改 一在東門外名崇甯宮康熙間總

兵藍理建俱同上 今改名崇仁宮采訪冊 一在費家

衚衕東縣志 一在閘口養濟院康熙年建 一在

城東盧家莊 一在大直沽明嘉靖年建初為藥

王廟後改 一在南門內湧泉寺西 一在城西

姜家井迤西茶棚乾隆年重建 一在西沽浮橋

南 一在城東南田家莊 一在城西齊家莊康

熙年重建 一在南羊馬頭 一在灰堆明代建

初為藥王廟後改 一在白塘口 一在小孫莊

一在鹹水沽 一在葛沽 一在碾坨嘴 一

在大沽 一在丁字沽西明代建

國朝嘉慶閒鹽政徵瑞重修改名西聖庵 一在楊

柳青 一在新城北門 一在新城東門 一在

開口迤西嘉慶年僧人禮通募建 一在蘆北口

一在泥沽舊在鹹水沽泥中間名茶棚庵同治

二年移建俱同上

文昌廟 官致祭者在西門外乾隆五十二年建

道光六年重修梅成棟文昌宮重修碑記節錄帝君乃主持文教尊神往古以來歷

昭顯蹟嘉慶六年崇列祀典津郡素奉威靈建宮城西在乾隆丁未迄今三十九年矣歲久失修牆

垣傾圮紳等同心矢願捐募重修於道光丙戌七月興工邑紳侯肇安監理營治三月落成除正殿

補葺外添造後殿一座門房二間廚茶房各一間圍牆四十餘丈統計資費六千四百

四十餘千規模一新 民間別建者一在東門內明永

樂閒建前志 一在康家花園同上 一在楊柳青縣志

一在葛沽同上

文昌閣 一在楊柳青明代建崇禎七年重建前志

一在城西北小夥巷縣志

府城隍廟 在城內西北明永樂四年建成化十

九年重修前志

國朝雍正年縣人繆啟乾建後樓五間縣志 同治八年

賜額

縣城隍廟 在府城隍廟西乾隆四十一年知縣

孫景曾建同治八年

重修天津府志 卷三十一 祀典 三
賜額俱同
新城隍廟 在水師營新城雍正七年都統錫拉

奏建前志
厲壇 在城北同上
火神廟 官致祭者在城內板橋衙衙咸豐間

賜額曰離德赫若同治間
賜額曰光昭離曜縣志 民間別建者一在東門外鹽坨

一在北門外 一在城西教場 一在西渡口
一在丁字沽 一在趙家場 一在城外開口

寶林庵南 一在楊柳青河北 一在河東錦衣

衛橋 一在北門外河北名丙德庵 一在城西

馬莊名丙德林康熙十五年建俱同上

龍神廟 一在東門外開口前志 雍正三年重修莽

立重修龍王廟記節錄今年春天不雨詢知鹽關

之南有龍神祠為靈昭予亟聞於元戎徐公兩

觀祭年公段庚子以同城文武羣僚庶士即於是月

二十有七日庚子以禋以祀虔告於神而衆商亦

從子禱焉厥明辛丑二十有八日尚烈日炎風迨
至未刻雷起兌方霖雨如注自申至夜分方止四
野霑足及入五月長雷滂滂又日以相繼前之喜
雨至是愁霖向之憂旱至是而苦澇矣予復憂之
六月初王申予再禱以求晴越朝果薰風自南雲
斂日霽於是津之衆商覩神之靈且速如此皆曰
神惠宜報也請公題額以昭其靈吾儕捐資以新
其宇予忻從其議即首為捐金元戎觀察諸公皆
樂助以成衆商之志
予因為記以壽石

賜廟額曰弘仁廟

賜殿額曰承天下濟

一在西門前志

一在西沽名龍泉

寺康熙三十八年重建同上

一在大夥巷縣志

在楊柳青 一在大直沽同上

馬神廟 一在東門子城明宣德十年建因修城

毀前志 一在大直沽縣志 一在葛沽 一在楊柳

青俱同上

八蜡神廟 一在城南八里臺前志 一在河東李

家樓縣志

海神廟 一在大直沽康熙三十七年奉

敕重建前有志

御製碑文恭載卷四

賜正殿額曰靜洪波

賜廟內觀音閣額曰潮音清梵

賜廟內水母殿額曰涵育

賜聯曰香塔魚山下禪堂雁水濱雍正三年奉

敕重修前有志

御製碑文恭載卷四 乾隆三十一年奉

敕重修縣志

御製詩石刻恭載卷四

御製碑文 恭載卷四

賜正殿額曰東渤安瀾

賜正殿聯曰導淀泊河沽歸墟効順互津瀛滄棟安塔蒙

床

賜廟內觀音閣額曰紫渤青蓮

賜廟內觀音閣聯曰印月千川妙觀察澄瀾萬頃靜聲聞

嘉慶間

賜正殿額曰析木安流

賜正殿聯曰萬水會靈源星津叶象九河懷舊蹟海國安

瀾道光間

賜正殿額曰功昭利濟

縣志

一在河東鹽坨名小聖廟 前志

小聖海神也舊有廟在天津河西

長蘆鹽法志

初名靈

應宮明崇禎三年因開運河敕建廟前石坊額曰

海晏錫庥明潞王題

縣志

國朝順治六年移建

長蘆鹽法志

康熙間

敕封護國濟運顯應平浪元侯

陳廷敬海門鹽坨平浪元侯廟碑記節錄海門者海

水之所出入也茲土南距海百餘里日潮汐兩至至時水勢澎湃洶湧逆河而上之一出一入若由戶達故名海門津門者眾流之所匯聚也舊有神廟居河之西威靈赫奕無遠弗届凡南北仕宦商旅之往來茲途者靡不祭祭必虔故舟行一遇急流怒浪危湍驚瀾必仰呼於神如或見之神綦靈矣由是祀無虛日庭不能容當夫海之未育明禁也商船往來檣帆相望幾於蔽日且鹽行任重

途遠非巨艦弗勝非神力弗達苟有慢心竟日不能移咫尺一念虔百餘里可俄頃至故綱人每致敬而河東厥日孔臧厥基於仕宦商旅也羣議復建廟於華表而後寢居以及東西兩序齋庖之房百具備其一秋工費悉取給於綱中崇祀也始建於順治己丑季秋迨今三十餘年
康熙三十三年重修余泰來海門鹽坨平浪元侯廟碑記節錄天津為古渤海郡上應天文析木天津之纏百川朝宗合流歸墟實當北海門要衝歲運漕米江淮吳楚千萬艘咸賴利涉而煮海推離凡北地鹽政統賴茲土昔人所賦積雪中春飛霜暑露其効靈於海若者尤大彰明較著焉余以康熙癸酉秋七月駐節天津至則循例禮祀海神平浪元侯廟貌赫奕俎豆維馨越明年甲戌秋八月使事將竣報政有日諸紳商賈鳩資戊材肆新輪奐迺以神廟落成告夫元侯職司巨海較四瀆稱雄長利國惠民厥功甚偉厥利維普廟始建津之河西今順治開改建河東介在鹽坨以靈佑推離為諸商

叢報尸祝故也乾隆閒

敕封平浪王縣志 一在丁字沽明時為蕭公晏公廟

國朝康熙閒鄧懋和改建 一在葛沽 一在後辛

莊俱同上

恬佑祠 在閘口迤南海河岸舊為平浪侯明代

建

國朝乾隆五十三年奉

敕改建縣志

賜廟額曰敕賜恬佑祠

賜大殿額曰翁流順軌

賜大殿聯曰滙派協靈長功宣左輔歸墟資廣利福佑東
溟有

御製詩石刻 恭載卷四

風神廟 在開口海河岸乾隆五十四年奉

敕建 縣志

賜額曰揚仁助順

賜聯曰軌宅通津調析木候孚大信靖歸墟嘉慶間

賜額曰祥和宣愷

賜聯曰寰海徠航徵巽德近畿調燭應乾符同治間

賜額曰翕流順軌 同上

天后宮 一在東門外元朝建明永樂元年重建

正德十年參將楊節重修禮部劄付道士邵振祖

領道經一部春秋二祭 前志按正德縣志作正統

國朝嘉慶間

賜額曰垂佑瀛壖同治間

賜額曰贊順敷慈 縣志 一在陳家溝 一在丁字沽

一在鹹水沽 一在賀家口 一在葛沽 一在

泥沽 一在東沽 一在前辛莊 一在後尖山

一在秦家莊 一在城西如意庵南 一在大

直沽 俱同上 按此廟元代建天厯間賜額
至正間官重修有危素碑記文載金石

土地廟 一在城北北倉明崇禎間建前志 一在

河東鹽坨縣志 一在城東南梁家園康熙年建

一在城東南下園 一在城西曹家莊 一在河

北梁家醬 一在大直沽 一在閘口南康熙年

建 一在河東小關康熙年建 一在河東水梯

子 一在西門外南頭窩 一在城西汪家莊康

熙年建 一在河東小鹽店 一在戶部街 一

在楊柳青河北 一在前尖山 一在河北鈔關

後 一在河北鈔關下 一在葛沽東 一在葛

沽西俱同上

旗纛神廟

魁星閣 一在府學縣志 一在縣署旁知府李梅

賓建 一在城東南角樓康熙年鄭世泰建俱同上

南運河神廟 在芥園乾隆三十五年天津道宋

宗元建縣志 蔡敬盛案此即查氏水

高廟御筆詩碑

大王廟 一在小稍直口名福壽宮前志 一在院

署西乾隆年知縣侯珏建縣志 同治十二年重建檔案

名宦祠 在府學前志 祀明天津道毛愷

國朝三省總督張存仁李蔭祖朱昌祚直隸巡撫王

登聯天津鎮總兵趙良棟直隸巡撫金世德于成
龍格爾古德天津道朱弘祚天津道陞直隸等處
巡撫趙弘燮禮部侍郎督理子牙河務許汝霖巡
視長蘆鹽政監察御史莽鵠立直隸總督方觀承
天津縣知縣陸費元鑽直隸布政使陸費瑒天津
府知府石贊清天津縣知縣謝子澄
一在縣學同祀
國朝提督順天學政熊伯龍鹽運使司經歷張可立
刑部尚書巡察直隸魏象樞天津道朱宏祚直隸
巡撫于成龍郭世隆直隸守道邵嗣堯天津道陞

任直隸巡撫趙宏燮巡視長蘆鹽政監察御史莽
鵠立直隸總督方觀承天津縣知縣陸費元鑽直
隸布政使陸費瑒天津府知府錢忻和巡視長蘆
鹽政文謙鹽運使楊霈天津府知府石贊清天津
縣知縣謝子澄
鄉賢祠 一在府學前志祀明鄭海倪維城王紹慶
蔣儀張愚汪來倪尙志
國朝劉得甯朱天成侯肇安沈兆澐
一在縣學同祀明鄭海倪維城王紹慶蔣儀張愚
汪來倪尙志

國朝劉得甯朱天成侯肇安沈兆澧

忠孝節義祠 在府學前志 案今府學無此祠

忠義孝弟祠 在縣學前志 祀明殷尙質梅應文鄭

海倪維城

國朝周天命劉得甯朱天成王顯謨隋光啟陳康年

陳成烈梁寶常汪彭吳士俊王鏞徐亨佛爾齊之

春謝樂善賈兆霖王寶慶金光飭于壯圖于慶光

楊國柱邱景華陳珍楊文光王文運王晏清楊葆

森張春元李瑞璋姜宗義劉國慶張衣敏朱光熙

余作新趙錫朋曹天祿趙濬溥通王五

敕建縣志

節孝祠 在縣學前志

昭忠祠 在府城隍廟內嘉慶十四年奉

雙忠廟 在西門永豐屯大街明嘉靖二年重建

前志 晏公廟 在城外西北隅前志

怡賢親王祠 一在三岔河口雍正十三年奉

敕建前志

一在西南城隅廣仁堂中光緒八年直隸總督

李鴻章奏建采訪冊

毛公祠 在大儀門裏街北祀天津道毛愷前志

王公祠 在北門外館驛樓旁祀王宏祖

李公祠 在河北鹽院署東祀天津督餉部院李

長庚

李公祠 在埠頭東街南祀天津巡撫李繼貞今

改爲

萬壽宮

石公祠 在岔道口祀天津道石天樞俱同上

薰風烈日祠 在院署東縣志

懋功祠 在城內劉家衚衕東祀縣人張愚

楊公祠 在北門外河北岸祀漕運總督楊錫紱

乾隆三十六年建

趙公祠 在三汊河口東岸祀天津鎮總兵趙良

棟天津道趙宏燮長蘆鹽運使趙之璧卽今三取

書院 俱同上 蔡啟盛案 此舊三取書院也

謝公祠 在西門外永豐屯祀天津縣知縣謝子

澄縣志並祀古北口副都統佟鑑名雙忠祠光緒七

年重修采訪冊

僧忠親王祠 在西門外祀督兵大臣親王僧格

林沁同治八年三口通商大臣崇厚建縣志

賜額曰丹心萬古

曾文正公祠 在河北大王廟東同治十二年總

督李鴻章奏建采訪冊

金剛愍公祠 在城內石橋街光緒十六年建

丁公祠 在東門內河營前祀直隸按察使丁壽

昌光緒六年總督李鴻章奏建

愍忠祠 在東門外開口下祀海運員董候補同

知蒯光烈等光緒元年總督李鴻章奏建俱同上

青縣

社稷壇 在城南縣志

文廟 詳學校

先農壇 在城東北縣志

神祇壇 在城東南同上

關帝廟 官致祭者在城北門上縣冊乾隆元年重

修縣志道光二十四年知縣單偉志重修同上民間

別建者 一在城東北前志乾隆四十一年灤州知

州王述曾捐修縣志一在杜林鎮明萬曆三十年

縣人薛瑤等修葺明楊文蒞杜林鎮關帝廟碑記

鎮名杜林墓有關帝廟不知建自何年住持僧智

魁敬承師允峯未遂之志乃偕本鎮會首薛瑤王

嫻於文感王之威靈慕王之忠義即不敏曷敢以

重修天津府志 卷三十四 光緒戊戌

則祀之能捍大患則祀之有一於此足以食報無窮今王兼而有之即祠宇巍然俎豆馨香亦吾人美報之常又安能仰答宏庥於萬一哉今智魁誠能廣募信緣重新鼎建使殿宇神像金碧輝煌觀廟貌之森嚴感靈光之普被以繼迺師曩時修建之意則神必我據福有所歸王必默佑於冥冥矣廟原無碑立碑自智魁始予嘉其心之虔而志之篤也因爲之記

國朝乾隆四十六年張致僧法旺重修 一在流河

鎮嘉慶三年重修咸豐二年重修 一在新集鎮

咸豐十年重修按始建之年俱未詳 一在南街明萬曆三

十四年建

國朝順治十八年乾隆十九年四十五年俱重修

文昌廟 在縣署東南咸豐八年知縣曾貫之修

俱同 光緒二十一年知縣王冠珪興修尙未竣工

采訪 冊

文昌閣 一在文廟東南衛河濱縣志 一在流河

鎮上明萬曆閒建明余成已流河鎮文昌帝君殿碑記節錄余鄉舊無文昌帝君

祠自萬曆戊子都大夫張公肇創於城之東隅蓋雅意興文教也祠方落成適予儕計偕上春官相與謁於祠之下靡不洗滌塵心肅襟瞻拜余儕是科登甲榜者二人跨異常格州人蓋神其事云迨

辛卯季春余得令武林揚帆南下運艘充塞河中泊舟青縣流河鄉憑檻一眺高土巍峩有新廟鼎建其上屬蒼頭往訊之知爲文昌帝君祠蓋鄉彥

李上舍昆仲所構也鄉有東嶽天齊廟坐鎮北方殿後叢土一區高一丈寬二丈數尺許翼前宇若

垂翅然上舍世居茲土徘徊有年齋心抒誠捐貲鳩材構殿塑文昌像其中朝夕以奉事焉余聞李

之先世有積德昆仲輩冲愉恬澹含和蘊真究心

墳典雅懷高尚羞作脂韋態其奪巍科膺廕仕可預券者由是天與神助又何疑于將來張公一郡守作興文學猶然不易知李君恂恂儒生耳不藉它人勸勤力一稟虔恭而輕財賄重義舉竟無責報心甯不重可嘉哉昆仲輩微言於余勸勒石以垂不朽余為記其事如此上舍名致中仲弟名時中順天府庠廩生季弟允中國子生男茂華姪一楠俱順天府庠博士弟子員時萬曆二十年三月吉日初為祠也

國朝乾隆八年重建改閣 一在興濟鎮同治五年

年就崇真宮故址改建 同上年 劉有銘興濟重修 舊有文昌閣咸豐癸丑予設帳於鎮之北偏時從 二三人遊憩臨眺未幾粵逆犯滄州予乃攜家 避兵漁莊烽火所至無完宇再過之摧為瓦礫矣 今年秋予備員銀臺接故人手示擬就前明崇正 宮故址復舊觀焉囑予為文勒碑以記之予極不 忘昔年遊歷地也故不敢以不文辭茲閣之興也

未稔創始何代想其時必有一二傑出之士殷然 為一鎮文明計者予姑不及考第念地濱運河糧 艘之所往來得藉以懋遷南北有無化居以故隸 茲土者多趨利逐末數十年以來闖闖生塵斗 魁匿曜文風不振久矣而茲閣者亦若滅若沒僅 與前朝故宮同為過客遊憩之所莫或廢之亦莫 或興之耳癸丑甲寅閒流寇犯畿輔所過焚掠茲 鎮乃適當其衝崇垣傑閣蕩為坵墟底定後二三 同志不忍視其廢勃焉振興乘上元之運就崇正 之基庀材鳩工頓復舊制行見人文蔚起戶誦家 絃一洗從前囂塵凌競 之習胥於是役卜之矣

城隍廟 在文廟後 明成化十三年知縣蘇俊

重修宏治閒知縣周忠重修 明馬政重修城隍廟

舊矣前者蘇侯一嘗新之題其額曰顯佑伯祠伯 之受封蓋在洪武之已酉侯之鼎新記在成化丁 酉歲也歲久易堙風雨苔痕不無金碧剝落之歎 令尹周侯協其僚案謂守者曰興廢補滯予之責

也乃屬耆老乃蓄錢穀召匠掄材鳩工採石板築之音斧鑿之聲積年乃罷告成功也邑人史璉等請以其事勒之石以示不朽云蓋宏治己未之夏也明馬道重修青縣城隍廟修祀記節錄我皇祖受天明命撫綏萬方懷柔百順悉有道焉越二年己酉詔天下更修城隍祀封其神為顯佑伯廟與縣治同凡吏其土者必齋沐誓神而後視事及瓜代展祀如初春秋有祀祀以文皆出聖製朝廷治民事神之典其重矣乎我青古州治也屢更為縣今因治之後有廟新於開國之二年災患斯禦水早斯禱幽陰斯直民甚神之鄉者姚興曰城隍吾邑主神也利我生民舊矣有司之祀制也簡吾輩生死於斯甯無一祀以展厥誠報厥本乎乃率諸良每歲十二月終會修祀事香燭若干庶品若干以供正月十五日之祀歲無缺焉經始於正德元年訖今四十五年自分毫荒恐墮初志乃遜諸董仁輩以繼其事眾願欣然遂謀立石以永其傳屬予作記

國朝乾隆二十年知縣冷廷頤重修縣志同治十三年

知縣張濟康重修同上

厲壇 在城北縣志

火神廟 在東關前志嘉慶三年典史王以槐重修

縣志

龍王廟 一在城東南衛河岸前志乾隆三十六年

知縣趙士傑重修縣志一在城東北明初建前志道

光二年重修縣志

河神廟 在城東門前志

馬神廟 在城隍廟西同上道光二十四年知縣鄧

椿林重修縣志

八蜡神廟 在城內觀音堂西舊在西門外後移
建嘉慶八年知縣沈聯芳重修

劉猛將軍廟 一在八蜡神廟前同治十一年知

縣張濟康重修 一在雙莊窠知縣元照建

魁星閣 在東南角城上乾隆三年知縣趙士傑

建

天后廟 一在城東北衛河濱乾隆四十六年典

史石澗重修 一在興濟鎮南 一在林缺屯大

道西俱同上

名宦祠 在學宮前志祀明興濟知縣王宏毅錢貫

呂和青縣教諭余勁張綸又青縣知縣錢珍興濟

知縣張文煥案此縣志職官下均注明亡死節而名宦內未及從祀僅據知縣錄呈

國朝巡撫于成龍守道朱宏祚三省總督朱昌祚禮

部侍郎許汝霖

鄉賢祠 在學宮前志祀明戶部郎中崔炎太僕寺

丞蕭英陽穀知縣馬思聰曲陽訓導姚慶雄縣教

諭任明臣檢討岷府長史馬政山東副使李日茂

孝子賈文清

國朝望都訓導戴雲錦縣志又明開封推官馬永壽鹽

城教諭秦四德工部主事何遜湖廣僉事陳松

國朝工部員外郎馬鳴蕭平樂同知陳元璐饒南九

江道楊芳春蔡啟盛案此七位志皆敘宦蹟而未從祀先據知縣錄呈檄令查考迄不足徵因令於牌位上添注公同擬請從祀六字姑仍存之

忠孝節義祠在學宮前志祀明曲陽訓導姚慶徵

仕郎姚泳光祿寺署丞姚同倫鴻臚寺序班姚廷

棟臨洮同知姚思虞

節孝祠在城隍廟前志

周武壯公祠在東關外北街祀總統盛軍湖南

提督周盛傳光緒十三年總督李鴻章奏建册

靜海縣

社稷壇在城北車店邨西志

文廟詳學校

先農壇在城東志雍正六年建前志

神祇壇在城南志

關帝廟在城東北隅瀛海書院左册

文昌廟在城東北隅瀛海書院後上

文昌閣一在南城上前志一在獨流鎮河東乾

隆五年縣人李經介李學詩等建成豐十年縣人

李蔭塘等重修縣志

城隍廟在西門外明萬曆二十四年知縣曹重

建

國朝咸豐三年遭寇毀旋重修縣志

厲壇 在城東北同上

魁星閣 在東城上康熙二年知縣陳愈建前志同

治十年重修縣志

八蜡神廟 在城北街書院池西前志

句芒神廟

龍王廟 在西關外衛河西岸兼祀火神俱同上

馬神廟 在號內同治八年重修十一年復修縣志

天后宮 在西門內池南

土地祠 在北門外俱同上

名宦祠 在學宮縣志祀金紫光祿大夫高陽公

張甫明靜海縣知縣畢獻崔衍尙樸劉弁劉照武

雷郭天錫陳範戴大槐吳應揚董養聰王良相胡

啟睿靜海縣學教諭商賓隨正脈樊効才秦鶴年

鄉賢祠 在學宮縣志祀明鄭氣鉉默蕭應禎

國朝王正志高爾修毛士勵杜訥勵廷儀

忠義孝弟祠 在學宮縣志祀明王廷試周斐李桂

蕃李夢周蕭汝厚于乾朱朝李昊李邦僑李鳳來

陳壽董廷講張汝官董廷訓劉池

國朝王士麟李世銘閻應極李萬清鄭廉善邊允誠

邊鋒

節孝祠

衛政祠

滄州

社稷壇 在北門外西北明萬曆中知州王堯封

重建

前志

文廟 詳學校

先農壇 在城東乾隆二年知州彭月孫建

州志

神祇壇 在南門外明萬曆中知州王堯封重建

前志

關帝廟 官致祭者在南門內

前志

順治中州人王

公弼重修

州志王公弼重修關帝廟記節錄入

廟也堂而無宇室而不榮湫隘沮洳弗嚴弗恪且
滄人食神之福多歷年所憶余昔承乏王事於四
方每過里瞻祀有肅然毅然之志思欲鼎建以妥
神靈而其閒國社疆場民瘼戎馬未遑也計自戊
寅迄今十有三禩矣始擴而新之工既告竣較舊
殿楹而三之西市地共擴五丈有奇南北十丈有
奇後擁以淨室圍高以宮牆至所費不貲乾隆五
十年州人募修同治元年知州曾貫之光緒元

年知州戴增福俱加修

州志

民間別建者一在州

治內明代建

前志

一在城東南隅 一在北門明

州人戴才建俱同上

一在城西南隅前明州人王

國寶建

國朝商人陳性重修州志

一在南門河岸前志 一在

菜市口州志

一在南門外龍王廟東舊在東門外

名三義廟久圯道光二十三年知州李步瀛州人

董清標宋廣泰等移建州志

文昌祠 在州署東狼臺上前志明萬歷間建

國朝康熙初州人張文炳重修

張文炳重修東臺文昌祠記節錄滄城之

內有古臺屹立東偏相傳五代周世宗時所築舉
狼煙處也明萬歷間銓部王公發以磚石構神廟
三級最上為文昌帝君祠遂巋然為一州之文峰
勝境矣余登癸酉賢書後即讀書其下精舍掩關

悄無剝啄翠竹黃花搖映幽窗曲徑閒且晨昏鐘
磬與書聲相和令人有蕭然出塵之想而帝君臨
之在上惟一惟嚴以對越之誠固不敢祈神之私佑
之也迨順治丙戌成進士庚子辛丑之間由柱下
歷宦充東老僧喜特走瑯琊請所以新其祠宇者
余慨然施之喜歸遽西行因未果康熙癸卯余自
江右裁缺還里喜徒益復以為請時司徒戴公謝
病歸里日與二三同志研究理學磨礪身心且率
子弟輩刊施帝君垂訓諸篇兼做都人士敬文會
力行之聞余此舉遂共襄厥成而廟貌聿新矣

光緒元年知州戴增福州人于德甫戴作霖等重

修州志

文昌閣 在南關河岸前志明代建

國朝州人張爾鏞等重建州志

城隍廟 在州署西南察院之西明初建前志宏治

十八年重建

明馬魁重建城隍廟記節錄弘治甲子

祀城隍廟遵時制也至則見其殿宇傾圮廊廡踈缺殆不足以妥神靈而行祀事即惻然有修葺志尚思下車之始澤民之事未及舉行而遂有工作之興似非職牧者所當重急欲已之又以治民事神亦皆有司者所當重躄躄久之一日有郡民曰張福元者率眾填門進而告曰郡之北郭外有隙地邇者小民築居於是欲建一觀音庵以鎮之予日觀音乃釋氏所崇尚非汝人倫日用有室有家者所當庵也若城隍乃境內應祀之神實人之所賴以安者也顧廟貌頽壞不加修而反於無益不經之事妄費以輕為乎眾皆稽首謝曰是廟之傾為日頗久昔尚寶祝公為鄉進士時有倡為之志比因會試之京而未果今欲為之誠盛舉也敢不奉命願以庵觀音之財力移之以成予遂可之乃為卜日歲事親率僚屬耆老詣廟而經營之于正殿退宮甃石之彫落者指示以補修之乃前為二門三楹左右為兩廡二十四楹退宮之東西為二室各三楹左右為兩廡以舍灑掃之工祝規模宏

做棟宇輪奐庶乎神有所歸祭者之敬亦有所依而不近於褻矣其工興于弘治乙丑三月之吉至正德丁卯七月正德八年鑄銅為神像

明高夔新鑄城隍神像記

節錄我朝定鼎之初于天下淫祠悉命除之殆什八九所存無幾城隍其一也城隍之祠古不經見惟唐之季李陽冰有當塗縣城隍廟記宋元及今祠始徧天下且嚴飾貌像以崇奉之而城隍遂盛矣滄州有廟界監鹽二司之間久傾圮不治正德初元山東馬公魁來守是郡始欲新之一時嚮慕之人聞風資濟遂成此舉正殿廊廡視往昔有加其勸善懲惡之像備厥變態使人惕然有警歲癸酉予擢自魏邑至滄三日徧謁諸神祠獨城隍廟魁傑冠一州為之憮然稱歎曰城隍所以保障一方也尊崇固不當爾耶及視碑文知馬公倡之又作而歎曰吾儕中有若此者吾獨不能繼之耶適一二黃冠進而告曰愚民無知識見廟宇更新而神像若舊心且弗安且土木之形不足以傳永遠維昔盜賊猖獗城被圍者七日卒能完壁一郡無陷沒之虞謂非神靈默佑之力不可也予輩思重

報之將以銅易其像冀垂不朽不識可乎予應之日有是哉此舉甚盛予將助成之以繼馬公之後月餘鄉義官李翀等以予言聞諸里市勸募資財于是四方以銅至者數千人若大司徒張公尚寶卿祝公皆其尤者無幾時銅積若山而神像成矣計其重三千餘觔約其工四十餘日訖致仕官張玉來祈子言以記其事

國朝駐防劉有餘募修州志乾隆五十九年知州周世

榮重修道光五年知州潘國詔重修州志同治十

三年知州戴增福光緒十二年知州駱孝先俱加

修同上

厲壇 在北門外明萬曆中知州王堯封建前志

八蜡神廟 在州署東同明代建

國朝乾隆八年署知州饒佺重修光緒十二年知州

駱孝先重修州志

馬神廟 在州署東南明萬曆二十七年知州王

堯封建明劉生中新建馬神廟記節錄萬曆己亥夏王公來守吾滄時清源民譁訛言流布

人心惶惑若駭雞然公下車即出諭曉之為之引

古昔陳利害民乃大定是歲蟲蝻傷稼衆庶艱食

公為請于上得臨德粟若干石減價予民又煮粥

以食待哺者自冬抵春凡三閱月全活無虞十餘

萬人蓋自履任後早夜拮据靡有甯晷亦既平定

安集矣乃始勸學興材修廢舉墜如新學宮修師

廨復龔公祠詳在他記中不具載先是州有馬神廟在治西南馬廠內蓋國初奇種馬于編戶而責其孳息罔寺歲時巡行諸郡邑察肥瘠稽登耗則馬廠其行署耳迨後種馬變而為買俵罔寺遂絕不一至于是有司改馬廠為監司察院而廟亦移于城隍廟後左側顧其制卑而陋路狹而仄相沿

以來三十年所矣公臨祭愀然傷之謂祀以將敬
室以妥神神之弗受敬於何有且易有之乾為馬
州陽屬也氣以類從于法不宜西蓋遷之遂卜地
九月某日踰月而落成崇以廣楹翼以兩序闢以
道還里公乃屬予記其事我朝稽古定制釐正
祀典諸不在咸秩之列者一切罷去而獨馬神之
折衝馬之為用最急則報本反始禮不容後耳或
庸計及棲神之義所乎公獨慨然深念鼎而新之謀
不再計役不稱勞妥神靈而修祀事是舉也可謂
明於秩祀之文而不失周官之遺意矣公名堯封
號華岡南直金壇人癸未
進士蓋以尙書魁南宮云

龍王廟 一在東門外明代建

國朝城守禦永甯移建舊廟北志道光七年糧捕同

知孫豫元知州潘國詔州人宋廣泰移建南門外

河隄上州志同治十二年知州戴增福重修同上

一在伴龍堂州志宋代建宋韓正彥龍井元至元

開州判董珪重修元失名重修伴清明知州宋訥

重修明宋訥龍井靈異記余自正統丙寅歲受命

期黎庶惶惶躬率耆老詣神祠禱蓋緣香火年疎

人心日怠以致廟宇傾頽井池淤塞三四慨歎遂

致誠焚香與神約誓若果獲甘霖以濟吾民其靈

祠聖井我當理之自癸卯而告甲辰乙巳洪雨大

懇叩胥酬前願疏滌其井甃砌磚石水深丈餘趨

事赴工者數百人日成之以牲牢告厥功須臾
狂風蕩埃黑雲捲雨頃刻至壇父老舉酒奠拜僉
曰神明所感如是勿以爲懼其年秋八月戊申吉
重建後堂三間前門三間周圍垣牆三百步許于

是都轉運使歐陽公一日喜雨過訪嘖嘖歎賞神靈神靈不誣也至景泰庚午又遭旱災民心憂切余再祠禱巡撫都御史蕭公亦赴廟行禮公拜未幾三靈雨霽霽百里均霑交慶豐稔于是椎塑神像龍儀煥然一新其夏五月既望白魚出見三日或沈或浮人所習知蓋千百計視董公廟記龍魚故事若合符節余恐後來君子將謂妄談疑信故鐫石記之

國朝道光十五年知州李德禱雨有驗重修神祠並

龍井州志稿宋友梅重修滄州件龍堂廟碑記

曰件龍為古靈異境歲亢旱守土者虔誠祈禱輒有奇應歷宋元以及有明鐫石記事炳如日星迨至道光乙未夏天久不雨禾稼將槁民方以為憂州主華蔭李公知龍井之異曉諭斯民共往祈禱斯時誠意胥興及李公取水回署雲行雨施民賴以蘇越數日擇吉報謝李公集士民而諭之曰余素不妄黷鬼神所歷諸境必禁淫祀其有實惠及民者又未嘗不心焉敬之若茲神具靈異廟缺修

葺是素不奉而急則求非所以竭吾誠也吾將捐廉以為率爾士民其共勦迺事於是縉紳士庶勇於赴公各議捐資募工度費乙未秋起丙申春告成並龍井重修又以近廟歲生甘草為一郡所罕見復從眾請立藥王神像及太山三官神像於兩陪殿斯欲廣民之祈禱實欲民之守護也是歲隨時澤被禾稼大稔李公每念靈異欲立碑以誌之適以考最陞任深州而撰文之事遂寢越歲丁酉諸監修立軒董公等問記於余余辭以固陋無文眾曰傳事傳人惟期取信如事無徵雖文何涉如道故忘其狂菲就所見聞之靈異而直書之庶咸知神民相接在於一誠之感而已是為記

土地廟 一在城隍廟內明代建前志 一在州署

內 一在運司署旁 一在鹽廠 一在南門俱

上 一在城西北州志

劉猛將軍廟 在八蜡廟內乾隆三年知州陸福

宜建光緒十三年知州駱孝先重修州志

四大王廟 一在南關河岸前志 一在西門河岸

同 一在鹽廠河岸州志

火神廟 一在西關河岸明閔可權建前志 席官商

重修明李觀光重修火神廟記節錄郡舊有火神

亦僅丈許垣之外無隙地相沿匪一旦暮矣君子

日廟以妥神將依也廟宇之太狹在瞻禮不便

聖費之太淺則觀望不肅妥神之謂何而神將安

所依哉會雲中席子官商隱於滄海每橋梁道路之

傾圮及祠宇觀刹之頽廢往往出囊橐而修葺之

無少愆蓋亦饒於資而好義者一日謁若祠而歎

曰火之為穹壤用至廣而其神最尊即令狄梁公

經略毀淫祠亦當在崇祀之列乃坐視其淺陋若

是惕然弗甯者久之惟時沈子桂宋子守愚亦同

有是心而從義者乃謀諸父老及閭巷之慕義者

各為捐金鳩工聚材廟之僅一楹者拓而為三廊

廈稱之左衡鼉鼓右懸鯨鐘廟之前門亦為三楹

皆內向若闕廊然簷牙臚列而丹雘輝煌視之往

昔蓋甚壯麗矣哉廟既成席子蘄為記以識不朽

國朝嘉慶九年州人宋文成重修州志 一在城東

南隅前志 一在北門外道光九年州人王煦等建

州志 稿 小聖廟 在鹽廠河岸明代建前志

名宦祠 明萬曆十二年知州張興行建於文廟

戟門左明劉子延重修名宦鄉賢祠記節錄國家

凡以重德功而垂風教也滄州舊有名宦鄉賢二

祠歲久圯廢時祀者每暫附於啟聖祠中因循久

之殊非倫制我牧守時庵張公政教之暇進師生於明倫堂而謂之曰名宦鄉賢誦法孔子而成者也祠不於廟中而於他處非事理之宜也乃復謀及鄉士酌以義理以先師廟南向配哲侍側皆升堂入室者也賢哲分列兩廡則得門而入者也二祠宜于櫺星門內又望宮牆于數仞者也所謂等而上之則庶矣是也僉謀既定公捐俸金聚材鳩工名宦祠基勢坐東西向鄉賢祠基勢坐西東向砌以磚石覆以瓦礫塗以丹雘繪以黝碧各為四楹經始于萬曆十三年八月落成于本年十月之終

後改爲更衣亭四十四年運使張雲翼別建於儒學門內迤東州志祀漢渤海太守龔遂宋河北都

轉運使包拯明滄州知州賈忠武英張縉因綱長

蘆都轉鹽運使陳堯

國朝三省總督李蔭祖朱昌祚直隸巡撫于成龍格

爾古德于成龍沈朝聘趙宏燮直隸守道朱宏祚

邵嗣堯滄州知州吳瑾姚孔瑄

鄉賢祠 明萬曆十二年知州張與行建於文廟

戟門右後改爲省牲所四十四年運使張雲翼別

建於儒學門內名宦祠州志祀漢雋不疑鮑宣鮑

永晉刁協北齊李鉉唐高元裕賈耽高適宋張知

白李之純賈黃中元王昌齡王復明卓敬馬昂王

翱呂璨趙杲張瓚強珍王紳朱用錦戴才

國朝呂詠王公弼百齡劉若庸

忠義孝弟祠 在儒學門外東偏雍正十年知州

會振宗建州志祀漢鮑宣巴肅苑康晉刁協刁彝北

魏高諒唐許法慎高崇文朱廷玉朱廷金邊鳳舉

孫楚信鄭士才劉賢宋廖人俊胡元興崔諒田京

金榮楫元攸哈刺拔都楊秉明卓敬李觀光孫淪

李治王煥孫登俊于弟呂世祚王填趙昇李思賢

楊時蕃周達仁劉存備王顯仁戴世惠朱用錦祝

祥于立

國朝呂詠衛其傑張文元張光潛滕德厚于一龍劉

桓于昌耀張伯謙劉清樑萬紹曾

節孝祠 在儒學門外東偏忠義祠右雍正十年

知州會振宗建州志

昭忠祠 在 光緒七年知州趙秉恆州

人劉鳳舞捐建州志祀咸豐三年殉粵匪難知州

沈如潮等同治七年殉捻匪難官紳兵民等

龔公祠 在北門祀漢渤海太守龔遂前志今州志

五賢祠 在西門祀明滄州知州盧廷選王堯封

李夢熊羅曠

國朝滄州知州許榮昌前志今州志

李公祠 在北門內祀明滄州知州李騰蛟前志今

圮州志

戴公祠 在北門祀明太僕寺少卿戴世憲前志

包公祠 初在南關後移朗吟樓祀宋河北都轉

運使包拯前志乾隆七年運判史尙廉移建官署大

門內左方州志倪象愷包孝肅公廟碑節錄轉

已宋代名臣如陳恕鮮于侁呂公弼歐陽修唐介

諸君子皆先後歷茲任惟包公之名獨著惜轉運

惠政史闕略不傳無考鏡然公孝篤於親忠結于

主關節不到笑比河清正直有為之氣其感於後

世之人心者尙耿不則其措之當時者必歷

歷可信然則公之政雖不傳而所以傳之者至矣

愷承乏長蘆才弱力腐望古生愧滄州運判史君

尙廉分職二載恤商體竈有公之心因宋轉運聽

事舊地新公祠宇以光薦祀以答人心前宮保孫

公今制府高公鹽政三公直以繩人廉以澤物諸

所設施與公合轍於是允其所請屬愷酌量經理

商竈士民鼓舞趨事匝月落成延主持奉香火有

司春秋祭享史君請記於余因書其事於石長蘆

都轉鹽運使蜀南倪象愷記乾隆七年歲次壬戌

夏六月上浣穀旦立象愷記乾隆七年歲次壬戌

蘆志載包公有所乘轎吏民愛而存之奉於滄州

分司署前土地祠中廉已未冬署篆時往視之庚

封剝落幾至朽蠹嚮往者久之復慨歎者久之庚

申夏請建祠署左以妥公神暨王戊而落成遂取

敢有所增損工既竣即移置祠中東壁下廉因之

有憾矣公之清風峻節為有宋一代稱首而功名

烜赫尤著於尹京時然宋之中葉金之末運汴京

疊遭兵燹迨明季而小醜陸梁洪河一潰宋金遺

蹟盡委波臣夢華錄不可復問矣滄州獨僻處海

濱自李同捷劉守文而後雖玉步屢更而不罹戰

爭之厄者已歷八百餘年即包公一轎猶得奉其

故物誦其遺愛以罄滄人百世之思謂非滄之厚

幸不可也時乾隆七年歲次光緒二年樂字營統

王戌秋七月朔有二日記

領記名提督丁德昌重修州志

光緒戊戌

何公祠 在南門祀明長蘆運使何繼高前志今圯

州志 瞿公祠 在西門祀明長蘆運使瞿汝稷前志

張公祠 在西門祀明長蘆運使張雲翼同上今圯

州志 于公祠 在南門祀明巡鹽御史于謙前志今圯州志

王公祠 在南門祀

國朝滄州知州王弘遠今圯同上

丁公祠 在包公祠後光緒十年總督李鴻章奏

建祀樂字營統領記名提督丁德昌並以記名總

兵李得成附祀州志

南皮縣

社稷壇 在城外西北隅縣志

文廟 詳學校

先農壇

神祇壇 在城外東南隅前志

關帝廟 在東門南同上

文昌閣 舊在明倫堂東南明萬厯閒知縣李正

華移建學署門外縣志明趙培修文昌閣碑記

祀焉制頗蕪陋甲午歲杪上高李公來令是邑始

視學顧瞻斯樓意若不愜者講授之餘進諸生日

夫奎璧天之圖書府樓以奎名祀典所不載且建
非其地吾欲徙之東南以祀文昌諸生欣然從之
乃首捐俸金若干邑人士之樂助者一倡響應於
是堅龍門之坊改樞星之門移泮池於門外濬之
使深補正路之傍坎闢之使廣乃營巽地起崇臺
高可十五尺廣袤倍之臺上為閣閣為八面奉文
昌木主其中西向而顏曰文昌閣又顏其北曰映
台東曰拂署南曰麗明蓋各有取焉臺之方象太
甯閣之上覆以碧瓦周迴如環象太清也為方者
入象八座也臺之東北築雲梯有門匾曰登瀛梯
之為階者十有八象學士之選也雲梯之東為屏
障者三級象三台也又立井亭其下名曰東井佐
文明也肇始於戊戌訖工於壬寅而閣告成諸生請余為記

城隍廟 在城內北街東明宣德中知縣張麟建

正統四年知縣陳毅修明曾鶴齡重修城隍廟記

祀廟不廢况於城隍之尊乎然自經兵革鞠為瓦礫邱墟草莽久矣宣德初縣令張麟擇縣北隙地

肇建之方是時工力未甚備葺理未甚密僅歷十
數年風雨飄損幾至傾覆繼為令者東莞陳君毅
也嘗欲新之未果正統四年春夏之交邑境旱甚
君率其民詣廟禱之雨即應且沾足歲以大稔君
與丞歐貴典史程恕謀曰神惠溥矣宜新斯廟以
妥神靈以徼福於民皆曰諾於是合君三人各捐
俸資倡土撤其舊而增修之材良斲堅工善役勤
越幾閱月廟成嚴嚴翼翼趨走有歸祭禱有所而
一邑之民皆悅又懼來者於其歲月事始末無考
也因戶部員外郎王公文顯來求予文為記將以
刻諸嘉靖三十四年知縣李筵重修萬曆二十四
年知縣李正華重修前志

國朝康熙十一年張時俊捐修縣志

厲壇 在城北前志

八蜡神廟 在府館西明萬曆十年知縣王允中

建縣志

馬神廟 舊在府館西與八蜡神廟並列順治三

年知縣白龍昇移建預備倉西前志

龍神祠 舊在西門外明崇禎八年知縣簡仁瑞

移建神祇壇後同上

五龍堂 在城南六十里五龍岡宋至道三年建

明嘉靖閒重修明高瑞麟重修五龍堂碑記節錄

宋至道丁酉歲由宋而遼而金而元兵燹之餘興
仆不常莫可紀述我朝嗣興首詔天下罷淫祠凡
有功德於民者弗易故堂緣是存邑人畢君名錢
字勢威尚義人也以是堂有靈異每遇歲旱有禱
輒應意欲鼎新其制乃倡里閭捐囊資命備旬庀
匠氏與夫木石磚甃黝堊丹漆所需備具工肇於

嘉靖丙申迄於己亥春告成欲鑱之石以傳不朽
祈余以記其事余亦世家於堂之東南先人之墳
墓寓於斯童子時釣遊寓於斯而又素荷甘雨之
貺者固不容以無言矣管子曰作而不記非盛德
也遂因而釋其說曰堂以龍名神之也龍以五數
位之也神以位分位以神定故占法甲乙為青龍
丙丁為赤龍戊己為黃龍庚辛為白龍壬癸為黑
龍蓋分而定也此則堂之名義已夫位分則春夏
秋冬各一其時神定則東西南北各一其方時一
則日雨日暘日燠日寒日風五氣皆順而協方一
則出震見離說兌勞坎成艮五穀皆利而貞斯神
之庇而民之休也反是則咎徵著而嘉殖罔成斯
民之辜而神之羞也是
豈後人崇祀之意也哉

河神祠 在泊頭鎮北康熙十一年河水東溢知

縣馬士瓊禱於神水即退因建祠前志

金龍廟 在西城下

火神廟 在南門外俱同上

魁星樓 久圯無存縣志

土地祠 在城隍廟二門外

名宦祠 在文廟戟門左西向祀明南皮縣知縣

鄧翰李珙李正華佟卜年王所須藍再茂簡仁瑞

鄉賢祠 在文廟戟門右東向縣志祀周尹吉甫漢

雋不疑唐賈耽宋賈黃中明徐廷錫張璿湯殷張

淮張謐湯賓鄭金侯楹

國朝湯鉉湯裔振湯淳柴克振柴堪棟柴廷望

忠義孝弟祠 在學署大門間南向祀周尹伯奇

漢鮑宣鮑永明張謐侯守正張文桂吳推已張三

省張漢

國朝張如椒王一良張莆張永清崔景謨常考祥吳

士祥高鳳台高書寶張掄秀張廷標高光岳高西

崑潘俊三高容崑林向榮常彝倫張德存張春寅

潘貫一劉文衡潘碩祚高樹軒楊廷山

節孝祠 在學署大門左南向俱同上

高烈婦祠 在半壁店祀吳茂才妻高氏前志

甘棠遺愛祠 在瀛州書院內祀明南皮縣知縣

王允中李正華左之禎佟卜年

國朝南皮縣知縣白龍昇

劉公祠 在西城下祀明南皮縣知縣劉廷臣

王公祠 在南街祀明南皮縣知縣王所須

藍公祠 在南門街西祀明南皮縣知縣藍再茂

俱同上

鹽山縣

社稷壇 在西門外西北里許舊在城內西北隅

明宏治元年知縣張綸移建今地縣志

文廟 詳學校

先農壇 在城東南二里許雍正四年建

神祇壇 在西門街外正北俱同上 舊在城內東南

隅明正德十六年知縣張思溫移建南門外

國朝雍正十年知縣何其慧移建今地前志

關帝廟 在大南門內東偏舊在大南門外東偏

康熙二十七年知縣熊士晉重修乾隆三十八年

知縣陳洪書移建道光三年知縣朱希賢等修咸

豐六年知縣孔憲祺重修縣志

文昌閣 官致祭者在小南門內東偏舊在西偏

康熙十五年重建後移建東偏咸豐三年重修

民間別建者在望樹鎮東南道光十二年縣人賈

中起等建俱同上

城隍廟 在舊街北舊在縣署東預備倉左明洪

武中知縣吳文靖建嘉靖中知縣杜學易修明曹梅重

修城隍廟碑節錄郡縣之祠城隍自唐以來皆舉

之不廢惟太祖之帝天下嚴革淫祠大正祀典義

所不毀者惟十廟而城隍之神居其一且制為守

令謁神之典曰陰陽表裏蓋以明有人官幽有神

明凡以為民也鹽山之祠城隍厥惟舊矣頻年以

來其廟圯於風雨前之尹茲土者皆莫或究心惟

我杜侯初至遵制謁神一見廟宇頽圯乃惕然歎

日非所以揭虔神靈也即有興修意第承廢之久

迫於政務未暇越三載政事成民以化數年惕於

心而未就者乃舉之若不及功竣邑之人多不

知誰之所為者蓋所費皆出於我侯之規措弗以

擾民故也侯諱學易字子奇號存岡河南祥符人

戊子亞魁今陞山西天啟元年廟災知縣王會圖

平陽府霍州知州

卜遷今地三年知縣馬泰伸營建崇禎七年縣人

張承業重修明張士雋重修城隍廟碑節錄浚儀

國莫不各有祠舍貌城隍而尸祝之矧伊此邦顧

可缺諸先是堂廡在縣治之左壁屬同祿為崇有

識者為卜今區歲月幾而士民復病削色有邑之

編氓而慕義曰張承業者僉同通國庀材鳩藝飭

畚峙根耀丹標壘逾數歲而告竣言龔貞珉謬以

載筆之役來懇余愿弗斐又嘉盛事也輒為之質

述其顛末焉祠在邑之良位門重設前堂後寢迴

廊翼翼四方不下三百倚墉作山陂漾者水四時

國朝康熙七年知縣朱鸞鸞置香火地四百零九畝

九分零在城東南小營莊前志

厲壇 在西門外偏北舊在城內東北隅明嘉靖

元年知縣張思溫移建

馬神廟 一在縣署東南明宏治十一年主簿武

世威增修

國朝順治十七年把總侯有功重修 一在縣署內

康熙九年朱鸞鸞建

八蜡神廟 在馬神廟東康熙十年縣人王持憲

重建

劉猛將軍廟 在八蜡神廟左雍正二年建

天后宮 在東門外小北街

火神廟 在大南門外關南舊在城內舊街北明

萬曆間移建

國朝康熙十二年重修俱同上

龍王廟 在南門內福泉寺內東偏舊在小南門

外後移建縣志

魁星閣 一在城東南隅舊在小南門上後移建

咸豐三年重修 一在羊兒莊東南俱同上

土地祠 在縣署大門內偏東前志

名宦祠 在文廟戟門左縣志祀漢高城令陸康唐

鹽山縣尉穆甯宋知鹽山縣事李參元鹽山縣尹

宋訥明鹽山縣知縣吳文靖王憲張瑄鹽山縣學

訓導邢鳳鹽山縣知縣林惟盛張綸鹽山縣學教
諭李有嘉盧綸河間府通判李正華鹽山縣知縣
劉子誠

國朝三省總督李蔭祖直隸巡撫于成龍格爾古德
于成龍趙宏燮直隸守道朱宏祚

鄉賢祠 在文廟戟門右縣志祀漢鮑宣鮑永鮑昱

鮑德巴肅晉刁協刁彝北魏刁雍隋王伽宋索湘

明王翺劉永昌

忠義孝弟祠 在文廟櫺星門西縣志祀明李瑄冀

本趙邦智傅燧王尙緒劉宗良路建邦王文棟

國朝王文楨劉振基王璫遲伯壘

節孝祠 在大南門內西偏舊在縣署東乾隆五
十年移建

忠肅祠 在西門內大街北明宏治六年建祀縣
人明吏部尙書王翺俱同上

李公祠 在西門外明萬曆四十五年建祀明南
皮縣知縣李正華縣人劉永昌施基並捐香火田
五十畝

國朝康熙十七年重建前志

慶雲縣

社稷壇 在城西北前志

文廟 詳學校

先農壇 在城西南

神祇壇 在城南

厲壇 在西關外

關帝廟 官致祭者在縣署西南唐永徽年建

民間別建者在城東北名三義廟俱同上

文昌閣 在學宮崇聖祠東南康熙六年縣人王

祚熙等重修乾隆二十九年知府金文瀄重修縣志

光緒二十年知縣楊善慶重修采訪冊

城隍廟 在縣署西前志

馬神廟 在縣署西南

八蜡神廟 在城南儒林街

火神廟 在城西門外

龍神廟 在城東南俱同上

魁星樓 一在學宮康熙六年縣人王祚熙等重

修五十九年知縣蔣錫震重修乾隆四十二年縣

人重修縣志 一在東南城上乾隆十二年知縣孫

爾周建道光二十八年知縣于志瀛重修同光緒

二十年知縣楊善慶重修采訪冊

土地祠 在縣署儀門東前志

名宦祠 在文廟戟門左萬曆四年知縣薛居方

建縣志祀唐滄州刺史薛大鼎明慶雲縣知縣楊思

義署慶雲縣知縣王憲慶雲縣學訓導顏肅慶雲

縣典史升任知縣趙亮慶雲縣學教諭殷璞慶雲

縣知縣張彪唐瓚宋漢文森杜玘慶雲縣典史商

玫慶雲縣學教諭祝繼元慶雲縣知縣李宋慶雲

縣學教諭李寶約慶雲縣知縣劉應兆慶雲縣學

訓導張綸右僉都御史巡撫保定等府宋縑慶雲

縣知縣林之盛葉時敦王之宋李扶宣廷式

國朝慶雲縣知縣張必科李芳春慶雲縣學訓導董

良性慶雲縣學教諭胡懋謙慶雲縣知縣張碩抱

慶雲縣典史任鼎慶雲縣知縣徐州牧盧元培慶

雲縣學訓導楊芳慶雲縣知縣李居一天津道薛

柱斗河閒府知府王奐天津清軍同知高必大慶

雲縣知縣李興祖直隸巡撫于成龍慶雲縣知縣

韓契吳瑛李炳生金士仁天津府知府胡文柏慶

雲縣知縣孫爾周完顏岱汪菁張元英

鄉賢祠 在文廟戟門右萬曆四年知縣薛居方

建縣志祀後唐李愚宋張昭遠李之純李之儀元齊

秉節明甄實趙思本胡欽張偉張希達張問之陳

光大楊粹夫王巍宗維章

國朝胡璜崔養重劉夢楫

忠義孝弟祠 在城南隅 祀明劉其醇

國朝劉揮劉世祿

節孝祠

後附十一頁 卷三十四終

天津府屬祀典博議

前因重修府志祀典理應備載姓名而前志及州縣志多闕因檄府學與各屬按照牌位錄呈已據以入志矣今加考覈始見無一齊備者而府祠之不安為尤甚據府學錄呈名宦祠近人十六位已與天津縣祠大同小異至鄉賢祠明人近人共十位竟全同縣是則府幾成為附郭一縣所獨而非七屬所共其亟應更正固無可疑以愚見審定府祠所應祀者張總督

存仁李總督 蔭祖熊學政

伯龍 王巡撫 登聯朱總督 昌祚金巡撫 世德趙總

光緒戊戌

兵良棟朱守道宏祚于巡撫成龍魏尙書象樞格

巡撫格爾古德于巡撫成龍郭巡撫世隆邵守道

嗣堯李巡撫光地許侍郎汝霖案東華錄未載

一趙巡撫宏燮莽鹽政莽鵠立方總督觀承陸費

布政琅石知府贊清會總督國藩此二十二位必

無異議者也以外七屬自祀之賢牧令等若彙祀於府非必不可第覺太多且有一方獨戴之院守各官其功德既非普及七屬又非切近郡治世代荒遠難稽其實既有各屬祠自祀則府祠誠可不設矣惟此二十二位則除魏尙書莽鹽政止祀於

天津縣許侍郎止祀於津青靜三縣外其十九位

乃各屬所皆不可闕宜檄令補設齊備以合於彼

所獨祀者前惟鹽山滄州所祀尙畧得半如靜海

南皮直至一位不見幾不知大典為何蓋牧令奉

檄見為無關考成輒弁髦之但觀會文正之閱二

十年而無一祠遵設牌位者以前概可類推矣又

宦績吳按察廷棟傳末渾云祀名宦今查檔案只

應在省城與河間而他郡不與焉若滄州尙有沈

巡撫朝聘宦績無傳慶雲尙有辟道柱斗胡知府

文柏案此據儒學錄呈至宦績傳內俱未言祀

則無徵不信而有舉莫廢量度取中只可等諸一方獨戴之古人聽其存於彼而不及他處耳至於各位次序則惟有不序尊卑而序任年先後蓋非若此不能免子先父食之失也外有昔會建專祠者此必有當於彼時人心而今祠已圯再造莫籌似應別龕設位附祀非然則竟成不血食矣又有守土殉難之員如明季青縣錢知縣珍附祀矣而其後任常知縣惺則未祀南皮陳知縣虞裔張教論拱藿滕訓導善國鹽山陳知縣誌耿教論維直又皆未祀至河間顏知府孕紹亦未悉彼郡祠已

祀否也近人則慶雲任典史鼎靜海江知縣安瀾

滄州孫巡檢文驄鹽山杜知縣恩祿陳典史爾魯

未有傳亦皆應附祀者也

府鄉賢祠應博取各屬所祀而合祀之亦無可疑前致偏倚挂漏若此者必因初設府時倉猝近取一邑而後遂沿習不察耳惟各州縣所祀亦有未盡善者天津自明迄今共十一人明鄭海王紹慶應歸孝悌倪尙志未有傳只見選舉青縣共分兩列計十五人前八人未之孝子賈文清亦以祀孝為合案其傳亦未載從祀此前次考覈所未及後七人之祀由曲為周

旋既先聲言之矣靜海共止八人如王正志附見其子

士麟傳亦甯可祀忠也滄州所祀自漢及今為數最

多然鮑氏刁氏與明王翺皆鹽山人北齊李鉉南皮

失位正唐賈耽鄭餘慶撰神道碑雖作清池人然

可據補高適故里為今宋賈黃中皆南皮人李之純慶雲

人蓋因州先直隸於省有三屬縣視府具體而微

故合祀其屬縣諸人今已與各縣並為府屬自應

移祀於府而州不得復有若依舊則兩傷矣又近

人并百文襄而祀之亦殊失當蓋駐防不為部民

且八旗別有通志故州縣志之誤錄應刪此徐主政初稿

所見甚是但未聲明又選舉除此則所存亦止十

有刪之不盡者今再覈刪七人而其中明人呂璨趙杲張瓚亦皆見選舉而

未傳也南皮所祀始周尹吉甫荒遠難稽前人

夙有疑議今志人物斷自漢始更可弗論則古今

共十七人雋不疑與滄州復不計鹽山自漢迄明

共十二人慶雲自五代迄今共十八人亦據錄呈

八此三縣諸人皆有傳或附見尙無所闕合計七

人屬約可百人此外有見為宜祀而未祀者因名宦

與鄉賢之典皆重必須上請覈議非可由下論定

則姑舍是

若夫忠孝節義前志雖標其名今府學實無其祠
固可不論至各屬所祀則未盡有過於鄉賢者諸
傳下已間存其說與此互參乃明各屬惟天津滄
州別有昭忠祠足濟學宮祀忠之窮蓋應祀忠者
昔本甚少自頻經寇難始覺不勝悉祀矣既別建
昭忠祠則分屬亦應權度適當愚見以爲立功他
方而死綏死勤者仍以忠臣祀於學宮凡爲捍衛
鄉里外籍弁兵附之與夫在官在籍以死明志者別祀於
昭忠蓋學宮一祠共祀四項皆爲土著不得襍外
籍而昭忠祠可不拘此也其未別建之縣則外籍

員弁只可附於名宦本籍死難多人不勝一一設
位權宜之計只有總設一位以附於祀忠其婦女
則祀於節孝節烈自同不待言矣孝悌之實惟善
養難爲程度若舍生以犯難與廬墓封股讓產等
事皆顯有可校前人得祀後不應遺矣至義行一
項如百年前之滄與百年內之津皆以腴區特多
愚見以爲宜據能久可大兩義爲斷其他瘠土則
未及此者已甚鮮能非可概論但此爲最難衡定
故止論已舉行者之漏否其久未舉行之區不敢
以愚見先焉諸例既定然後可衡各屬之得失

天津之祀忠明止一股尙質應補趙克忠

明季殉難指揮

見職官附未

近人已祀者王鏞

牌書鄒縣丞

陳康年

牌書候選從九

俱無傳可證惟周天命王顯謨隋光啟金光筋無

疑議其籌防之梁寶常汪彭吳士俊戰死之徐亨

佛爾齊之春謝樂善賈兆霖王寶慶趙錫朋薄通

王五

尙應補同死之蕭濱等十二員并見人物徐亨下又義勇十七名見薄通下王鏞陳康年

亦擬合殉難之余作新陳成烈于壯圖于慶光張

同此衣敏均應移入昭忠祠亦應補金本朱式璟田彬

俱見殉難

梁逢壽

見父寶常傳內

也祀忠則應補周大倫章潮

王鴻儀

縣志祀昭忠祠反應移歸

陸樟徐培張秉銳穆大本田

履安田椿徐世郇繆逢恩喬書年李鈺孫大鵬黃

應文黃樸也孝悌之祀明已有鄭海倪維城梅應

文

王紹慶在鄉賢應歸此

應補張海倪鸞王珠梅應卜梅開

運近人已祀楊國柱邱景華陳珍楊文光王文運

王晏清楊葆森張春元李瑞璋姜宗義劉國慶曹

天祿趙濬趙錫朋應補繆文璧

犯難

韓大佩李永凝

俱死難

查爲義王光祖盧元璠宋眞儒張虎拜

俱廬墓

李接芳張伯琛孫明新張玉琨趙世裕趙恩鏢曹

騫升胡澄

俱封股

朱光觀劉鐸查體勤

俱遠壽

如邢玟

沈鵬鳴王登舉宋大成于秉鈞

俱善養

亦甚難能也

義行已祀朱天成劉得甯亦各有傳獨義夫朱光
熙一無可徵則尤縣志之失耳

青縣之祀忠義只明姚氏五人俱有傳而忠如何

陽春死李崇德李長春俱同上見孝如某孝子死

張奉劉孔安楊圮張清竇文清俱廬義如張景亮

近人則忠如陳元璐楊芳春俱死姚廷佐禦孝如

閻氏三子陳煦黃廷葵義如張猴公劉兆麟俱未

祀又咸豐年死難之姚文彬同治年之陳式典等

八十四人與張鵬霄等諸士民俱載亦應附也

靜海前無祀忠如宋吳及直明于鑑護實足當之

近人已祀王正志王士麟應補岳汝吉此見殉難

人即團練死難杜駟等諸士民亦應一律附祀姓

俱載殉難奈獨有邊允誠邊鋒此得祀而乃大失矣祀

孝悌者明王廷試周斐李桂蕃李夢周蕭汝厚于

乾朱朝李吳李邦喬李鳳來陳壽董廷訓董廷講

劉池俱經考正尙應補張進德犯周一念向化水

近人已祀李世銘閻應極李萬清鄭廉善俱有傳

尙有高恆懋讓蕭士範劉潤俱廬劉永和何永貴

王者瑞俱到徐二喜死劉伯壩馬保恆俱幼王者

龍王夢臣常富禮劉學文高義輔劉蔭楠任兆乾

等諸人則不但未祀且多未旌義行如張夢蓮侯清泰宋慶泰亦庶幾焉

滄州忠義孝悌之祀除照鄉賢例應移去各縣鮑宣巴肅刁協刁夔四古人以外應存者忠則漢苑

康宋田京元楊秉明卓敬朱用錦應補唐高元裕

高沐宋邢希載明盛存仁盛存義與朱用錦同守其元人

攸哈刺拔都牌書河東兵馬大元帥此雖事蹟無

徵理應移歸名宦者也近人則應補張槐王樞王

式和葉濟英此新從殉難提歸人物四人其前殉難之劉鳳

巢等二千二百餘人後秦光甲等一千二百餘人

想必悉祀於昭忠矣已祀孝悌者北魏高諒唐高

崇文許法慎朱廷玉朱廷金邊鳳舉孫楚信鄭士

才劉賢宋廖人俊胡元興崔諒明李觀光孫淪李

治王煥孫登俊于弟呂世祚王填惟居末之子立

事蹟無徵應補祀者惟五代張建立近人已祀呂

詠張光潛于一龍劉植于昌耀張伯謙萬紹曾俱

有傳未祀者李瑤臧人傑龐宣德吳大用楊干祥

孫模山俱舍生劉受材劉受福同典身劉漢弼李泰鳳

陳奉敕徐世祿程英李某馬士驥郭某張靜堂于

文炳張慶俱廬墓劉成胡金誠石璞吳傑李重光呂

長泰姜昌蔣麟文俱判股張廷芝李蔚林戴中與戴

志誠宋吉祥楊天德李復白俱遠尋于映斗况名世

俱代弟傅廷俊劉若翥樊世翼王夢篆俱讓王吉甫郭

九宋恩命閻二頓六林二任兆乾俱極善養諸人所行

皆難能而可貴有過於已祀各人者義行已祀者

金榮楫明趙昇此青縣亦載而未祀李思賢楊時蕃周達仁

劉存備王顯仁戴世德惟居末之祝祥只見選舉

而無傳舊州志祀典所載并無其名與于立殆皆

後請從祀乎亦應補五代趙玉存孤也近人已祀衛

其傑張文元劉清樾滕德厚未祀者朱鼎王應命

張爾銳吳中衢李一鼇駱遇皋戴唯董清標王大

慶馮養靜呂中箴郭開基楊清蘭之清張稅棠竇

兆奎程毓藻諸人此張吳李與衛同事而祀一遺

三董清標等與滕同事而祀一遺十前後皆不均

之甚亟宜補正者也

南皮之祀忠鮑宣鮑永已歸鹽山鄉賢可不必復

近人首以常考祥次吳士祥牌書忠義考前志縣

志俱無二人事蹟其下高鳳台等十七人則俱死

擒寇之難者然縣志所載同死姓名不止倍蓰雖

其末云祀忠義祠而錄呈牌位只十七人此十七

人又非領袖不解其約略刺取之故要之必不可
姑仍挂漏原文亦載殉難應審提綱領設總位以

統括之又應補明陳應武近人張芝馨俱死張鏞

死也孝悌已祀明張謐知縣錄呈作孝子考傳不相應若歸忠義較合侯

守正張文桂吳推已張三省惟居末之張漢全無

可徵只有康熙癸丑滄州鹽籍武進士前志州志

同此姓名其舉人科分又未詳意非即此人矣應

補王世顯劉仲仁俱廬辛進孝判張耀讓近人已

祀張如椒王一良張甫未祀者白德崇親高步雲

尹模俱讓張盞判宮文燦克也義行之祀近人張

永清有傳而崔景謨事蹟又全無徵未祀者有明
張朝棟近人高星孫成貴也

鹽山前無祀忠止有近人遲伯堦然如明于廷陳

會鉉俱死劉自然扞近人王慶元死趙雲舫郭鵬

彪俱死綏亦載殉難何愧焉其同治七年團練殉

難之劉日萼等三千六百餘人亦應附祀祀孝悌

亦未上及鮑昂只有明路建邦猶應補趙巡代王

界王建極李騰蛟李春早鄭惟倫孫文安俱廬趙

獻廷劉才盛俱判又祀王文楨兄弟分列鼎革前

後繼以劉振基王璫縣志注云王文棟王璫通志

府志俱載祀鄉賢審此二人固應移歸鄉賢卽王
文楨劉振基亦以在彼爲較合矣近人未祀者有
張世英張酌陳六賈魁元王澤溥趙越王九良張
經楊廷選韓以德劉啞子李香蓉李應瑜姜名山
王音槐潘道南張清輝劉恪侯張雲廬高玉峰等
諸人孝行未易一一指名要皆能人所難義行已祀明李瑄冀本趙邦
智傅燧王尙緒劉宗良近人未祀者亦有王遇極
王化明韓秉仁李士晉賈瑋王敬業張文沛
慶雲只有明劉其醇祀孝近人劉揮劉世祿祖孫
祀忠然近人多有應補者忠則李尙賢張三成俱死

難陳喜崔光笏俱死並團練殉難之張瓚等諸士
民也孝悌如丁重新陳森賈生才馮經世陳柸馬
煌王夢瑞胡德羣義行如崔槿胡時雍亦皆難能
矣

凡此四者因從祀須先補旌雖未似鄉賢之難要
亦未可過多故茲第舉其尤若皆已旌則卽如節
孝婦女之悉祀無不可矣惟唐初棣州人任敬臣
鹽山志且略辨其舊志誤錄考沿革門隋唐間棣
州曾涉於郡南鄙則前人非全無據故人物仍存
兩人惟究應祀何地未能夫俎豆之事關於勸善
考實不敢臆斷只得闕如方今津門爲三輔大帥戲下非但儼似劇郡稱首

其所宜興宜革豈無急於此而顧沾沾者修書之職存焉耳觀於鹽山志名宦鄉賢皆言之而未卽舉又可見所能亦盡於昌言固莫必其行與止矣

重修天津府志卷三十五

考二十六

經政九

學校

天津府

天津縣附郭

府學在東門內本天津衛學明正統元年提學御

史程富奏設左衛指揮使朱勝將住宅施為學宮

首建明倫堂及志道據德依仁游藝四齋

明失名創建天

津衛武學明倫堂記節錄天津三衛未有學正統紀元以武臣子弟皆將繼其祖父之職業以効用於時不可不素養而預教之乃命天下凡武衛悉建武學而立之師選武官與軍士子弟之俊秀者充弟子員於是天津及左右衛始有學首掌學事則司訓曲阜李君賜也君為列教條正句讀導進

光緒戊戌

退諸生蹈矩獲維謹閱再期教授展山劉君俊司
 訓杭州詹君穆同來蒞學相與協力以作倡之乃
 者侍御程公又以老成宿學奉命督學事從而激
 勵之諸生成思自奮發以期底於有成於茲蓋六
 七年矣余嘗以公暇詣學進諸生于明倫堂見其
 循循雅飭進止有序竊喜學校教養之有益於人
 也固若是哉教授劉君因以明倫堂記為請余辭
 勿獲敢以為諸生告按明代天津衛有儒學有
 武學儒學有教授訓導武學但擇武舉一人為科
 正是文實記儒學以所教皆武官軍士之子弟故
 亦稱武學又其時武學十二年大成殿成天順二
 猶未設故不加別白耳

年戶部員外郎監督軍儲解延年增建兩廡明汪淵創
 建天津衛學兩廡記節錄天津設學始於正統之
 元年其時文教聿興規度未備雖創建文廟而兩
 廡未立迄今二十餘年景泰丙子領教以來顧茲
 缺典未嘗不為唏噓發歎也天順戊寅適戶部員
 外郎樓霞解公延年監督三衛軍儲講廟之餘以
 補漏為任乃首捐己俸為倡又集三衛官僚各出

俸有差於是耆老若高仲良蔣英高冕輩聞之遞
 相播告以樂助之凡材用之出入淵實掌之經始
 於是年三月落成於七月計若干楹設木主造香
 案如儀又以餘資增置正殿龕案重修櫺星門皆
 以次成庸是謹具本
 末歲月以為之記 弘治八年天津道劉福修明

倫堂展出前二十餘步修兩廡及四齋正德十一

年天津道高嶼重修四齋築牆垣射圃嘉靖四十

四年天津道黃中初建名宦鄉賢二祠萬曆二十

九年巡撫汪應蛟重修明文球重修天津衛學碑

矣而士之孕靈毓秀致身青雲者濟濟不乏焉惟
 是歲月遼遠風雨震凌棟垣摧圯丹壁漫漶幾不
 學矣大中丞汪公以備兵至未幾秉受節鉞而開
 府焉首事學宮估值捐俸而下之檄為文武倡諸
 凡更始悉以授觀察使張公張公體此意借不佞
 親詣視之凡至再歸而語不佞曰余家世東省闕

里規制暗聞頗不謬學宮有泮池制也門可近市
 譚乎殿可就卑下乎文昌祠可任其湮沒乎啟聖
 祠與名宦鄉賢可祀於廟之前乎總之非體也遂
 集董事諸員役為之鑿池為之易門為之崇殿基
 為之建文昌祠於東移啟聖祠於後而遷名宦鄉
 賢俎豆於學之旁焉專其責於清戎李郡丞無一
 不布置惟謹衛中諸將軍皆斌斌質有文者各率
 麾下鳩工庀材趨子來而襄盛舉甫彌月工告竣
 矣汪大中丞公名應蛟葵源人張觀察
 使公名汝蘊章印人李郡丞咸甯人 崇禎元年
 天津道石聲諧重修 明徐光啟重修天津衛學記
 錫之役與津之諸士紳遊詢知津故無學學於正
 統改元初朱揮使勝捐舍基建之嗣倪揮使寬請
 增廣生二十名僅與邑額埒道化翔洽人才浸盛
 科第蟬聯漸成文明勝區至萬歷四十六年廩生
 張希載援潼關例開闢伏闕者三始獲奏允廩貢
 如州制淹滯頓疏青衫輩益爭淬勵矣余猶記學
 宮偏設東關歲歷滋久諸圍垣射團咸就頽廢墜
 址多為左右侵佔水道湮塞淫霖為禳無歲不苦

傾圮客歲閩南石使君奉飭備兵於茲甫下車謁
 廟周覽慨然以崇修鼎新為己任旋值羽檄旁午
 猝猝未遑戊辰春政通人和使君亟檄清戎王郡
 丞專董厥役郡丞饒材幹毅然承之朝夕以費舍
 為署分任弁吏程其功經始於初夏落成於季夏
 工甫竣使君復捐十萬餘緡為津創置雍陽邑腴
 田二百畝使君復捐十萬餘緡為津創置雍陽邑腴
 聲諧西成人癸丑進士王君諱秉衡平涼人別駕
 蘇君諱鴻踰蓬 溪人例得並書

國朝順治十年巡鹽御史張申元等重修高爾儼重

學碑記節錄津故襟海而治距漕河不數百武而
 城而隍郭以內去東門數武孔子廟居焉廟建於
 正統間橫亘古道盤旋蜿蟺水沿青海陸走黃塵
 而吳楚艤艘巨艦屬風四轟每疾風怒雨欲野歎
 雲呼許呼耶震撼颺盪致使殿廡日頽明季重修
 迄今凡二十餘禩要亦遞修遞弛如塞漏卮而沃
 焦釜則何裨焉順治癸巳春適齋柱史張公申元
 巡歷至是謁夫子廟對越之頃不勝欷歔既而歎

曰此吾儕根本重地亦若傾圮耶遂捐俸一百金
 並前柱史楊公義二百金為重修津學宮費時總
 戎管公効忠甘公應祥計使君蘇公霖陳公襄鹽
 憲使徐公來麟兵憲李公呈祥鹽使者牛君藩劉
 君進禮各捐俸數百什金又有顯人大賈暨本庠
 諸博士弟子員輩俱各仰承上之德意亦皆欣然
 輸助又有學博呂子應兆齊子國璧率庠弟子數
 人會計貲值核功績躬助厥成不置餘力而兵
 憲公獨以身總其凡於是鳩工庀材百堵皆作工
 始於癸巳之春二月告竣於季夏之六日而後先
 董斯役與夫諸執事爵里名姓俱載碑左是為記
 副使李呈祥重修考職官天津道李呈祥於順治
 十一年已易任不合故剛 蔡啟盛案盧見會記
 言自順治十年至康熙四十七年而修者四 康熙
 尤可見中無季之一修今不入正文宜也 康熙
 八年巡鹽御史李棠等重修 李棠重修天津衛儒
 熙七年戊申備孟公巡鹽長蘆爰蒞茲土往昔鹽
 使者留居邸舍聞巡行之役一再至津門而余軫

商竈之艱難念吏弊之叢蠹大欲整施釐剔之始
 請駐節於斯以朝夕經紀其政下車之始謁先聖
 於學觀廟貌摧頽堂廡圯壤慨然於文教之不振
 思有以倡率而鼎新之視事以後搜宿弊除腴削
 省額外之科斂商竈稍甯息民計藉以安堵乃
 首捐薄俸庀材鳩工諏吉興作自運使以下聞風
 樂趨諸紳士與慕義之民交相鼓勵奮捐如雲斧
 斤雷動至康熙八年已酉三月而告成乃鏤貞珉
 以紀 十二年天津道薛柱斗重修四十七年重修
 雍正三年衛升州因為州學九年設府因為府學

十一年巡鹽御史鄂禮知府李梅賓知縣徐而發

重修 蔡啟盛案前志引通志縣學在府學西雍正

並修故縣 乾隆三年知府程鳳文重修明倫堂 顧

重修天津府學明倫堂記節錄天津舊屬衛地其
 學躬建於前明正統中屢廢屢葺

國朝雍正間由衛升州由州升府學宮則仍其地不改第歲久勿治陳丹暗粉難為觀美前守桂林李公撤而新之獨明倫堂舊址畚築不堅構榑欹仆今太守程公以龔黃之治行出守是邦撫卹嘆咻兆庶康悅朔望則率其令長及郡學博士謁先師廟集諸生而訓迪之顧瞻斯堂將就傾圮慮無以為宣化地也急割俸錢若干而益以廩膳羨貲數日庀材凡楣椳楔柅栴栴宋廟之屬或樓或堊百廢具興肇工於乾隆三年二月日告竣於五月日堂既成諸生謁予請記予謂是舉也用不濫材工不曠役施之而得所先務不容以不文辭爰撫其本末并推原賢守以經術為治術之意而鑱之於石

八年鹽運使倪象愷重修十六年鹽運使盧見會重修盧見會碑記節錄天津東距大海洋船鹽其改為州治因而升府幾三十年人心風俗之漸染於功利猶有未克丕變者所以崇奉學宮習祭榮鼓篋之儀以播弦誦之雅化視他郡尤為亟政理之要莫有先焉歲辛未余遷長蘆鹽運使始至

釋奠仰瞻殿壁彫剝門廡欹斜櫺星門內外水瀦而蘆茂席板以渡迺得進而瞻禮頽垣通市完者亦卑不及肩為慨然太息者久之謀修建於臺使者高公恆公曰吾志也按察司副使董君承勳知府熊君繹祖聞之交贊其事迺簡官司之能受功者率作興役疏其水而去之使無復淤蕪其草而絕之使無復茁垣宇所設增其庫植其傾木石所施汰其朽任其壯滌之聖之是役也經始於乾隆辛未七月其落成則以十月庚子凡八十五日而畢工計財用之費為金一千一百有奇云抑考天津於明之正統始建學宮歷景泰至崇正二年而修者五我

朝自順治十年至康熙四十七年而修者四雍正九年陞州為府十一年知府李君梅賓修建府縣兩學迄今甫十八年而修者三是何後之修者若是其亟歟余維津為水鄉水不治則壅壅則地潰宮之垣墉屋舍因以頽圯官斯士者苟其以時疏濬而葺治之母視為緩圖斯則余之所臨文與歎而不能無望於同治二年蘆商楊成鈺縣人張錦文後之人者也

等重修前志參縣志 吳惠元重修郡邑學宮碑記節錄粵稽津郡學宮建自前明正統間

初為衛學

國朝雍正三年改為州學旋改府學至十二年開府
李敏達公復請於府學西增建縣學規模宏敞由
來舊矣壬戌冬蘆商會議復修計引出貲庀材鳩
工自府縣兩廟前後兩殿兩廡兩祠以及大成門
凡龕座香案門榻簷廊屬在木工一時並舉時逾
四月貲近五千而神位於是各安至於櫺星門泮
池橋文昌祠奎星閣禮門義路堂階垣墉有基者
少應創者多籌款無從厥功莫繼邑人張錦文慨
然任之爰請各官捐廉以為倡凡前之未逮者創
之因之雕聖之丹雘之計自
癸亥四月至甲子五月工竣

學額原額歲科試各取文童二十一名歲試取武
童二十五名咸豐三年因團練出力保全城池加
廣文武額各五名自咸豐六年歲試始廩膳生四

十名增廣生四十名一年一貢縣志參學冊

長蘆商竈兩籍童經鹽運使考取彙送學臣附河
間考試取撥河間府學設府後改撥歸天津府學
原額文武各取十二名商竈各六名康熙五十二
年加廣文額二名合前十四名商竈各七名武額
仍舊同治五年因捐輸加廣商籍文武額各六名
竈籍文武額各一名自同治六年歲試始廩膳生
二十名增廣生二十名廩生向不食餼並不挨貢
自雍正十年總督劉於義奏準二年一貢前志參長蘆鹽

法志
縣志

縣學在城東門內府學西雍正十二年總督李衛題建縣志嘉慶二十一年縣人董岱等重修同治二年與府學同修同上

學額原額歲科試各取文章十八名歲試取武童

十五名咸豐三年因團練出力保全城池加廣文

武額各三名自咸豐六年歲試始咸豐八年因縣

人張錦文捐輸加廣文武額各三名又因續捐加

廣文武額各一名均自咸豐九年歲試始廩膳生

二十名增廣生二十名二年一貢縣志參學冊

校士館一名試院雍正十一年鹽院鄂禮捐俸創建同

城職官并紳商悉有捐資在東門內南隅前志嘉慶

二十一年天津府知府張大維督同候選州同陸

芬捐資重修道光十九年天津府知府恆春督同

邑人王文通黃士琳捐資重修縣志

學田河北地共八十一畝六分前志

尖山莊地共二十二頃五十畝同上

武學初設西南城角樓上萬曆四十年天津道高

邦佐移建城內西北隅三衛掌印指揮張文學趙

如祖楊大慶監修每三歲試騎射論策掄數十人

入學擇武舉一員訓之名曰科正事專董於兵備

道不隸學使者武生能文中學院試者復得進儒
學前志引衛志
河間府志

國朝雍正十一年巡鹽御史鄂禮知府李梅賓重修
後裁歸儒學縣志

三取書院在三岔河東岸舊為趙公祠康熙五十
八年修築瞿黃口岸其地適當隄尾乃建書院乾

隆二十年縣人王又樸與士商捐修學舍十二間
每歲經費由商款捐領款項內支給嘉慶六年眾

商重修同治七年洋人借住於此移置河東鹽關
廳後光緒十三年經通網商人拓地改建縣志參
長蘆鹽

法志

問津書院在城內鼓樓南乾隆十六年長蘆鹽商

查為義施地鹽運使盧見曾建屋五十九間盧見
曾問

津書院碑記節錄通都大邑往往設有書院士習
蒸蒸進而益上天津以百川朝宗之地而為

京師左輔顧闕焉未興余竊病之前太平府通判查
君為義告余曰家有廢宅在運署之西南隅其地

高阜而面陽形家以為利建學盍筮之筮從白之
總督方公觀承署鹽院高公恆均報可爰庀材鳩

工位其中為講堂三間前為門後為山長書室
而環之以學舍凡六十有四間計費白金二千四

百有奇經始於乾隆十六年辛未八月落成於十
七年壬申二月適吉公慶來視鹽政為延名師立

教條入學鼓篋宵雅肄三賓讌禮成容止有秩越
翼日諸生踵門謁請所以名是書院者爰進而詔

之曰若濱海亦知夫海乎孔子之道猶海也學者
漸至乎道而止今之制義其津筏也學者因文見

道譬如浮海者正趨鼓楫候勁風揭百尺維長綯
挂帆席然後望濤遠決乘蹻絕往以徐臻乎員嶠
方壺蓬島之勝若自厓而返與終身於斷港絕潢
而不能達者皆不能得其津者也今姑導使問焉
毋致眩惑於沙汭之雲錦邁忤於暫曉之蝸像則
庶乎其不迷於所往矣因述緣起而名之以問津

云尚書錢陳羣額其堂曰學海每歲經費由閒款

生息項內支給乾隆五十七年鹽運使嵇承志重

修嘉慶六年衆商重修光緒二年鹽運使如山增

學海堂經古課縣志參長
蘆鹽法志

輔仁書院在城西北文昌宮旁舊為海潮菴道光

七年縣人侯肇安等捐建天津道金洙撥款生息

知府陳彬知縣沈蓮生捐貲置地收租為歲用經

費縣志金洙輔仁書院碑記節錄道光七年歲

郡人士重修文昌宮落成二月三日恭逢帝君誕

辰率屬設祭周視殿廡規模煥若時董其役者為

邑紳侯君肇安王進士天錫梅舉人成棟適來白

日廟宇既成擬將聚士林會文其中以立月課余

聞之欣然善其意之有當也為酌立朔望兩課朔

日齋課郡人公捐辦理望日官課分道府縣三衙

門輪流闕文隨意捐廉以為獎賞飯食之用黎明

齊集日暮交卷行之暮年人數絡繹加增其中二

三翹楚學有進境轉歲列優等者七游泮者九未
可謂無成效也因思不有經費終難垂久細為籌
畫撥借庫款大制錢入千串發質庫生息每歲息
錢半歸庫本半充課用時郡守陳公捐施地九百
餘畝邑令沈公捐施地二百餘畝歲入其租用助
膏火就廟旁海潮菴立為輔仁書院甄定生童額
數入十名酌議條規入則學規十六則交執事人
等遵照辦理議甫定郡人士請記於余以示將來

會文書院在城東門內倉廩前同治十三年鹽運

使視壇知府馬繩武縣人婁舉信等建

馬繩武建立會文書院碑記書院為造就人材之地我

國家崇儒重道文教誕敷其自通都大邑以及僻壤
遐陬莫不奉為良法俾多士肄業其中人文於斯
稱盛焉天津地濱東海土沃泉甘邑人士麟麟炳
炳侷儻風流至今推為文藪子庚午來守是邦公
餘之暇課士於輔仁書院佳文林立美不勝收此
外尚有問津三取兩書院與輔仁鼎峙為三數十
年來科第之勝甲於他邦大抵得力於書院居多
然皆為生童而設孝廉不與焉甲戌冬邑紳婁貢
生舉信稟請於文廟之後議建會文書院專課舉
人子深嘉其意為促成之惟事經創始經費頗難
適祝觀察壇署任鹽運司篆情殷樂育準由運庫
雜欸內歲撥津帑千緡著為常例作每年膏火雜
費之用並倡率同寅捐廉資助除建造課士學舍
製買院中器具外其餘資發質庫生息以備不急
之需如再有不敷仍由本府籌欸補足一歲課試
日期按運司津海關道天津道本府及分府縣合

輪轉每課獎賞各官自備至院內一切應辦事宜
查該貢生婁舉信公正廉明堪以經理並約舉人
教習知縣陳壇宗學教習陳法錄舉人楊光儀候
選訓導王錫恩廩貢李金海附貢繆嗣龍輪流值
年協同幫辦斯舉也萃興廉舉孝之英賢成敬業
樂羣之盛事尤願諸君子顧名思義互相觀摩行
見通經致用凌古鑠今不特為閭
里幸實足為邦家光也是為記

稽古書院在城西門外稽古寺俗呼鈴鐺閣光緒

十三年知府汪守正縣人楊雲章等改建

汪守正

創建稽古書院碑記天津郡城西北隅稽古寺向
為文人會集之所自光緒五年寺僧沙圓不守清
規變產浪費經紳士崔銓等公同稟送前署府吳
訊明勒令沙圓還俗一切廟產撥歸書院事不果
行歲丁亥三月寺僧普澤復蹈沙圓故轍盜典廟
產該紳士崔銓等遵照前案稟府核辦維時普澤
間而潛逃寺已無僧崔銓等遂敦約邑紳楊雲章
等十餘人沿該寺稽古之名為設立書院之請又

以津郡各書院均課制藝試帖不及經古雖學海
 堂有經古課亦祇寓於問津書院中從無專課經
 古書院因請以此書院專課經古將以講明正學
 實事求是於是乎在焉惟創建伊始經費未充每
 月祇考官課未立師課俟日後經費漸裕延聘山
 長務以主講為先月課次之肄業者聽其住齋日
 給膏火俾得專心績學養成遠到之才蓋眾紳講
 明正學實事求是之本心如此縱未能刻期集事
 然始基已立踵而行之不十年必有可觀者矣議
 既定擬就章程若干條稟請核示余嘉其立法之
 善而用意之深且遠也爰就所擬章程量為更定
 詳請各憲輪課於以表彰實學培養真才甚盛事
 也惜未及開課甄別而楊君雲章遽歸道山嗣經
 眾紳和衷商榷事秉承於余復以經費待籌向
 余一再請余為籌捐千金令邑紳集捐各款共三
 千金發質庫生息俾充月課經費又於羊行經紀
 贏餘項下歲撥津錢一千二百串作為建造講堂
 學舍及歲時修葺等需經久之模畧具於此至於
 續籌款項逐漸擴充則後之官斯士者當有能力
 任之者耳抑余尤有望者凡事易於圖始難於成

終是書院既以山長主講肄業住齋為務則自今
 以往經畫正非易願眾紳一乃心力共底成功
 毋稍即於因循苟安於闕畧即爾肄業人等亦
 各宜讀書立品毋或囿於時趨焉斯則余之所厚
 望也夫是役也折衷羣議有開必先者楊君雲章
 也首捐鉅貲為眾紳倡者黃君寓翰單君文王君
 自新也始終區畫必躬必親者張孝廉紳王孝廉
 承勳張茂才淑艾也其協力贊助相與有成者則
 崔茂才銓吳茂才蔚文胡茂才象樞王茂才世樾
 王君士俊朱君世鑑也並勒貞珉用示來者是為
 記

天津試館在京師正陽門外東珠市口同治三年

商人華集成及天津各紳商捐建其按年歲修等

費經鹽運使克明詳定在領告雜費項下撥銀二

百四十兩以資津貼縣人沈兆澐有碑記

采訪冊

義學 一在城內東北隅雍正七年巡鹽御史鄭

禪寶建每歲束脩銀六十兩運署公費項下支給

縣志 一在東門外南斜街雍正九年鹽運使彭家

屏建每歲束脩銀六十兩運署公費項下支銀二

十兩商人金義泰來號捐銀四十兩

案此二處今已不見設立

應卽在後載運署 一在總鎮署前雍正九年總兵

義學十處之內 袁宏相捐建今廢

同 一在城內西街雍正十一

年建 舊通志 一在東門內 一在北門內大儀門口俱康熙

四十七年天津道李發甲詳建有地在葛沽歲入

租銀租米支給四館 前志

運署義學十處城內五處曰集益設在節孝祠曰

博文設在牛痘局曰廣業設在蕭曹祠此皆官房

又曰務本曰約禮城外東三處曰養蒙設在河東

瞿黃口蠶桑局曰興仁設在鹽坨義地看守房亦

皆官房又曰正誼西二處曰尙志設在南閣曰修

道設在雙忠祠亦皆官房其非官房之三處皆儼

寺廟或有遷移又總塾一處設在會文書院卽曰

會文均係同治四年運使克明創置八處光緒九

年運使額勒精額增益 采訪冊

關道署義學九處城內五處曰崇禮設在考棚官房又曰崇訓曰崇仁曰崇本曰崇德城外東三處曰崇化曰崇術曰崇業皆僦寺廟西一處曰崇道設在稽古書院官房又總塾三處曰崇文曰崇正曰崇敬皆設在會文書院均係同治十年津海關道陳欽創置別有鈔關義學四處其名未詳_{同上}道署義學二處光緒八年天河道額勒精額商諸運司籌款建設義學二十一處內津府屬共十處在天津縣二處曰允仁義塾裕仁義塾_{檔案}又葛沽前有義塾一處光緒二十一年增設一處經費係

撥款存典生息_{采訪冊}

府署義學二處光緒二年知府馬繩武建曰興仁

義塾在會文書院曰興讓義塾在貢院_{檔案}

大沽義學名忠正義塾同治十三年署海防同知

宋寶華詳院立案以生鹽船出入向收稽查費每

船津錢一千九百文現經核減祇收六百文並以

其半充義塾經費_{采訪冊}

縣署義學四處一在忠義祠一在文昌宮一在大

佛寺一在城隍廟同治四年知縣楊國杞捐建_{縣志}

義學田 葛沽地共五頃一十一畝七分二釐內

房身場園地七十二畝三分六釐除建屋外淨園地五十四畝五分共納租銀二十二兩三錢二分莊房八十二間除倒壞房及官房碾房空房莊頭住房不起租外實起租房五十八間每間租銀六錢內撥莊頭每間工食銀五分并完地糧銀四兩八錢二分每年實收租銀二十七兩八分水稻地四頃十三畝九分六釐內除無租硬地四十五畝六釐又撥莊頭工食地三十畝實起租稻地三頃三十八畝九分每年納租米九十三石二斗五升雍正四年天津道每畝減租米五升每年實收租

米七十六石二斗五升二合五勺同上

青縣

縣學舊在城內元末頽廢明洪武初知州瞿子貞重建四年知縣李敬移建城外衛河濱永樂三年知縣蘇俊弘治三年知縣劉素十四年知縣周忠俱重修萬曆十三年因逼近衛河知縣王思賢移

建於西舊通志參縣志明馮琦青縣改建儒學記節錄青縣故號澤國隸渤海郡洪武初

詔天下郡縣置學青學宮暨縣治俱拓基郭外時水漫守者罔計負薪沈璧則為徙廨入城而儒學乃居舊治東去河彌近浩浩泃泃多土每觀汪洋太息往合亦數志改建欲請諸上則念工役浩繁百姓皆窳莫可支且以長吏諸督責事交關旁午未報吏胥惴惴恐後以土木貽他日罪狀竟無

敢首議者而水勢決蓄益甚漸且圯不可振王尹甫蒞青卽視學謁先師周視而歎曰奈何以吾夫子宮牆置波濤間乎遂請於郡守錢君錢君重文學首肯王尹議乃議發帑金三百餘庀材鳩工改建廟於舊縣治地而守道王君及錢君王尹相與捐贖金以助不給不日而廟貌更新焉祠齋廡舍靡不畢治事竣錢君走簡屬子為記予故樂得而書之 明鄧宗齡重修青縣儒學記節錄青縣故稱青州洪武初知青州事瞿子貞奉旨創建學宮久之傾壞成化間蘇尹俊復修之顧其地迫御河水一漲溢輒衝圯頃之王尹思賢至謁廟咨嗟者久之為請於兵憲帥公曰某待罪下邑不能昭宣令德使諸生抱遺經托處做宇甚不稱朝廷崇化 士至意願請更葺之未及舉事帥公且行王公以代至區畫主持捐俸佐費為慮甚周郡太守錢君推二公意卽以其事屬王尹王尹奉命惟謹徵材商度乃移於舊址之西大成殿戟門櫺星門舊皆土瓦今以琉璃易之殿堂門宇齋廚亭舍秩秩改觀又新創尊經閣文昌祠泮宮悉如制兩廡故十二楹今增十四堂後故無室今增其三繚以

周垣飾以丹堊費省而工成而登制科者應焉乃徵記於余 蔡啟盛案徵到縣志漫漶而前志不錄鄧記故無可校補

國朝乾隆三十四年知縣李廷樞四十二年知縣桂正順五十九年知縣袁璣嘉慶四年知縣孫宗椿

俱重修縣志

學額歲科試各取文童十五名歲試取武童十二名廩膳生二十名增廣生二十名興濟歸併廩膳生十名增廣生十名二年一貢縣志參學冊

學田大輔莊地十頃房十間明萬曆三十一年縣

人姚泳捐置縣志明聶世潤置學田記節錄青縣故無學田有之自姚生始姚生諱

涿縣學廩生夙以學行著急施子辛丑十月余將
 有事學宮生謁於余曰願捐大輔莊地十頃房一
 院入之公而命之曰學田計每歲入以飭祭器修
 垣宇凶歲出以贍貧生或有裨也余喜之曰義哉
 生乎查其地去縣方三十里而非遙辦其等中
 與窪謙者不類民劉應時等佃焉惟是地內稅糧
 除之便余以諸生計白之當路時汪先生晉少司
 空階未去其境報可第地稅可免而正糧不可免
 仍照縣賦則每一畝令佃戶輸銀入釐其徭銀攤
 之於縣云又議租柴之入首貢生主之比照府收
 學租例收支糧草季報循環庶可憑稽覆而免侵
 冒誠慎之已上之督學使者高公報曰可田東至
 石國柱南抵甯文元西接李允中北接劉應節各
 地為界共十頃上有房一院凡十間每歲租一百
 石二十

國朝順治七年因地荒仍為業主承種康熙十二年

編入民冊行糧涿會孫姚廷亮姚則虞等控告經

天津道薛柱斗審斷改正

子孫於故明萬曆三十一年間捐入學宮歲收租
 穀百二十石薪千束有年以飭祭器飾垣宇凶歲
 以贍貧生佃輸收支經畫詳密其時縣令聶世潤
 復立碣鐫文垂之永久夫豈不欲世世子孫恪承
 先志而弗替乎迨明鹿失駁
 與朝定鼎草昧之初經理無人拋荒日久事或有之
 順治七年姚涿有二門會孫鳴虞者藉口開荒據
 為己業迄今二十三年所在闔學士子以為姚氏
 所捐之田而姚氏子孫私有之可置勿問而姚氏
 子姓又謂名存則實存亦因循不較及今奉

旨纂修

邑志草創告竣將學田一項改為地荒遺累仍招
 業主承種編入民冊行糧是前此雖無其實而猶
 存其名今則名實俱失姚廷亮姚則虞等為涿長
 門會孫上憫學宮之圯廢修葺無資下傷祖宗之
 義施湮沒不紀所以一倡羣和環起而攻之也無
 論田非窪謙碑誌可考即使鞠為茂草果屬鳴虞
 所墾然二十三年之籽粒亦可酬其牛種之資矣
 鳴虞不自省其過舉乃反誣過於父且謂父命當

遵夫祖與父孰重而孰輕捐施與佔鄰又孰是而孰非鳴虞不權事之輕重是非承祖之志幹父之蠱而媿媿辨析者何為也試問姚氏子孫今之蟬聯鬻序而輝映鄉國者又孰非乃祖好義之報而忍使崇敬先聖之功嘉惠後學之意一旦漸滅而無餘耶且控者原非為私則受控者豈得為公廳審已明道訊無異應將此田十頃斷自十三年為始另募佃種歲收租薪俱照當日原議石刻支用鳴虞再不得過而問焉應納賦課俱於歲收內辦抵自與鳴虞無涉至一應承佃之人收貯動支等事仰清軍廳檄行該縣傳集諸生公議妥確報道府案務為經久之圖勿開侵冒之竇仍將縣志內編入民冊字樣即為改正其本道審看情由亦令載入志內以成鐵案用表前徽逐一遵行俱毋違錯

縣志

會川書院在城外城隍廟街乾隆四十九年建

縣志

永安書院在縣城東關咸豐六年知縣盧寶臣教

諭張勝亨訓導謝棠等重修

同上

光緒十九年縣人

甯世福遵其父大林母胡氏遺命捐銀一千兩二

十一年續捐銀二千兩經知縣姚為林置買徐李

莊廟地十五頃餘畝招佃承種收租鹽運使季邦

楨復撥公款銀二千兩發商生息歲入租息充書

院經費

檔案

社學舊在儒學南知縣邵用移建城內今廢

縣志

義學在東關康熙五十三年建今廢

同上

道署義學曰安仁義塾光緒八年天河道額勒精

額建

采訪冊

靜海縣

縣學在縣署東南明洪武初建舊通志永樂初知縣

崔衍成化中知縣劉照嘉靖中知縣普濟時俱重

修天啟五年署知縣張懋德營泮池

國朝康熙三年訓導辛起尹十一年訓導馬方伸相

繼修兩廡咸豐三年經寇毀同治十一年知縣鄭

士蕙重建縣志

學額歲科試各取文章十八名歲試取武童十八

名廩膳生二十名增廣生二十名二年一貢縣志參學

冊

學田灘子頭村六頃十五畝王家莊二頃二十一

畝歲租均歸儒學經理縣志

瀛海書院在北門外永豐街道光丙午重修縣人

唐淑撰碑記同上按記文失載

義學 一在獨流鎮初名養源義塾雍正五年建

同治九年縣人岳山重修十二年知縣鄭士蕙置

旱田二頃有奇光緒七年知縣陳以培置水田四

頃有奇以備經費十七年知縣宮昱以田皆被水

租無所出月捐津錢八千歷任因之二十年知縣

史善詒復按月加捐津錢二千均經立案更名一

善義塾 一在獨流鎮十善堂光緒十九年知縣
史善詒建由十善堂歲撥津錢一百二十千爲經
費名元善義塾 一在獨流鎮與元善義塾相近
光緒十九年縣人夏永福捐建知縣史善詒照元
善義塾例由十善堂歲撥津錢一百二十千爲經
費名福善義塾 一在北劉村光緒十九年縣人
高廷愷等捐建並歲捐津錢六十千爲經費知縣
史善詒由十善堂歲撥津錢六十千津貼名萬善
義塾 一在瓦子頭村光緒九年村民創建知縣
陳以培由差徭項下歲撥津錢一百千又由村內

義利糧棧歲認捐錢一百二十千爲經費通詳立
案名修善義塾 一在瓦子頭村光緒十九年慶
德興糧棧捐建照修善義塾例歲捐津錢一百二
十千名懋善義塾 一在城西門財神廟光緒十
九年縣人吳鳳如等因求免王官屯高官屯呂官
屯三村差徭公捐津錢九十四千文建設義學知
縣史善詒批准立案名同善義塾 一在良王莊
光緒十九年縣人陳洛平等以每歲差徭應交津
錢五十千求建義學改供經費知縣史善詒批准
名明善義塾並置張吉人等河灘膏腴地招佃納

租歸十善堂儲用並津貼各義塾經費通詳立案

一在當城村光緒十九年縣人高借堂等以每

歲差徭應交津錢一百二十千求建義學改供經

費知縣史善詒批准立案名樂善義塾 一在第

六堡光緒十九年署典史張鴻馨以縣人郝永盛

等每歲應交捕署雜差津錢六十千詳建義學改

供經費知縣史善詒批准立案名從善義塾 一

在唐官屯三官廟光緒十七年縣人康庶蕃等以

土地祠廢基捐資改建並請以慈雲菴靜圓寺土

地祠三廢基出賃民房收租以供經費知縣史善

詒批准名至善義塾後自捐足錢一千串發商生

息每歲息錢一百二十千並資誠善義塾津貼通

詳立案 一在唐官屯藥王廟光緒十九年知縣

史善詒建名誠善義塾經費同至善義塾 一在

城內北街原係社學名養正義塾久廢同治九年

縣人李壽桐重修鄭士蕙建修義學碑記節錄廩

生李壽桐之兄壽昌正士也嘗

欲設立義學聚貧窶子訓迪之使之知道理戒游

蕩正心術端品行惜其志有餘力不逮也同治六

年壽昌沒疏親遠邇感生前可敬蒲伏往弔約計

之願也爰買縣署西魯家衙街口路東正房四間

關風化者大矣哉古者家有塾黨有庠所以基養正之聖功今之靜邑何如哉男當十歲上下囚首喪面裸戲如猿因戲而鬪傷其父母曲意袒護及長黠者匪愿者傭不知孝弟罔顧廉恥李壽昌謂嬌慣幼孩以致人情日媮非無見而云然也今者壽桐繼兄之志俾枌榆之社成人而在始而髫齡日侍於嚴師之前則獷野之性漸化忌憚之心漸生即不必遽要科名而心中既以聖言為主自不致舛倫常而踰閑檢況推而擴之設義學者日眾矣壽桐特其權輿耳靜邑不且如鄒魯也哉 光緒十八年知縣史善詒提歸官辦改名復善義塾

一在城西門三皇廟光緒十九年知縣史善詒

以復善義塾經費尙充增建名育善義塾 一道

署義學二處曰會仁義塾培仁義塾光緒八年天

河道額勒精額建

案

滄州

州學在城外西南隅明洪武初州判紀惟仁建宣

德六年知州劉謹學正潘振增修正統八年巡鹽

按州志御史丁澄鹽運使鄧崙知州上官儀重修

明陳循重修滄州文廟記節錄上自國都以至天

下州邑無不有學而滄州在畿內密邇輦轂尤為

至要學則在州治之東南三百餘步蓋自洪武之

初隨州治所遷者其地漢屬渤海郡唐改為滄州

屬河間郡州治舊在長蘆東四十里今所遷處即

長蘆也方州治之遷也百務並興故廟學之創略取具而已後雖續有增葺然皆卑陋無足以稱興賢育才隆教化厚風俗之意正統庚申知州上官儀下車首以爲患會比歲歉不得有爲又明年監察御史吳興丁澄以按治畿內至滄州因謁廟學見之咨其爲州者曰是顧非所當務耶於是與鹽運使鄧崙率州長貳以及庶士與凡仕宦商賈於

是州者欣然聚財鳩工撤其舊而新之經始之日
又發地得銅錢踰數萬文足以助供役之費落成
於正統癸亥八月之望蓋距經始之期為日凡百
五十有既落成之三年刑部侍郎馬公昂以少
常游是學為具其事來屬文為記因為書之使凡
來從游於是者知廟學之所成不易而加勉焉以
不負都憲御史州官與
重修 明祝祥重修儒學記節錄 滄州為河間屬郡
正德辛未秋七月流賊橫行剽掠人民焚燒廬舍
儒學舊在滄州南門右樞星門明倫堂尊經閣儒
林坊俱火大成殿兩廡齋號公廨傾頽亦久癸酉
巡按吳公徐公觀茲殘毀感慨不已欲修而未暇
及甲戌巡按余公駐節於茲因謀於眾曰拜謁大
成進講明倫乃遵憲綱定制也既無瞻仰之儀又
無升降之階良可歎也適南京戶部尚書陽曲張
公致政寓居贊助其謀遂經營木石鳩集工役合
州守高夔董其事亦能勉焉以盡力不一年而告
成功樞星門明倫堂皆重建視舊規模宏敞其餘

殿廡齋號煥然一新起工於甲戌七月至乙亥四
月落成師生悉以為盛事屬予記其始末雖不能
文顧自學校進身遂不敢辭也余公名 嘉靖十三
珊字德輝桐城人因記歲月於是云

年巡鹽御史鄧直卿鹽運使郭五常重修

明鄧直卿

文廟記節錄 滄州儒學在城外南一里許中遭兵
火前御史余君修之未竟厥功因仍歲久益就荒
陋予以巡歷抵州晉謁文廟既而周視學宮深惟
弗稱是懼於是權宜區度得罰緩百餘兩運使郭
君五常以學徒多出鹽籍又捐俸助其不足迺命
學正方宗重訓導陳憲邵東周共司其事義民王
珍素以能幹名命舉之俾監督焉經始於秋八月
暨冬十一月落成予以是月復至州詣學則見內
而殿廡翼然整飭矣外而泮池廓然充拓矣前而
樞星門葺其摧折峙然竦立矣後而明倫堂齋居
舍迄於膳所撤陳易新秩然有序矣二司訓宅舊
極狹隘迺鼎增厥宇垣墉傾圯者循堵以築赤白
漫漶者用罔弗修煥然其改觀矣於 二十七年知
是學正方子請鑿諸石以詔多士

州左翼重修

明王紳重修儒學記按此記州志失載

萬曆中知州王

堯封李夢熊相繼重修

明王國祚重修儒學記節錄郡守李公由棗強令守

吾滄下車之明日詣學宮謁先師歷觀所謂傾頽狀喟然歎曰茲何地而可令傾頽若此將無為守土者羞乎及博士諸弟子以前人未竟對則曰今日之事我為政安所諉前人也于是命博士諸弟子計工備度財用擘畫而更新之殿廡之蝕者廊署之圯者垣墉門戶之壞者一一為之起其做增其式又移垂教萬世坊於學之南衢以樹達觀移敬一亭於學之東壁以昭聖訓通計所費不下數百金皆自公措置而激勸者經始于是年之春正月落成于夏六月二百年來之頽頹一旦改觀居然一闕里規模也事竣諸博士高公誼謀立石而索言于余不佞辱薦紳之後為諸縫掖名教先曩於圯敝之餘會少攄末議為興舉首今值公為先聖拓宮牆為師儒闢堂奧禮門義路視昔增而麗焉時新補弟子員園橋門因而展閱與同袍輩擊節者久之屬訖工功偉矣安能默然不為揚詡也

平公名夢熊號懷
二上黨之長治人
四十四年知州李騰蛟學正顧

震宇重修

國朝順治九年鹽運使徐來麟知州龐宗周等重修

王公弼重修滄州儒學記節錄吾滄學宮再修丁
萬曆丙辰迄今士之售南宮者十有六人獲鄉雋

者三十有三人僑居者不與焉逮夫仕宦之隆菁
莪之盛丙戌則鼎甲丁亥則會元如午科則戊庚

王者三元而壬午則同榜八人丙辰以前未如是
也夫前未如是之盛而盛於丙辰以後則培毓靈

秀葆艾人文皆諸君子修營之徵驗也茲三十七
載矣風雨摧蝕日漸傾欹壬辰春嵯憲三韓徐公

諱來麟司任於蘆慨然有太平張公之志且以世
風不競隱然懷昌黎闢異崇本之思爰進諸鄉士

大夫諸生而謀所以新之乃毅然首倡與分司海
豐牛公藩藩陽劉公進禮經歷安慶唐公胤隆知

事餘姚宋公德滋刺史水文龐公宗周州倅義州
李公朝事吏目山陰王公元俊守禦義烏金公堅

學正漁陽李公復元司訓恆陽李公奇階各捐俸若干金闔郡紳士商庶共以私錢若干萬為助自春徂夏煥焉一新其宮牆堂構一遵成式茲不瑣及斯役首釐司諸公極力鼓率而刺史龐公慨然以正學為己任為之多方輪勸樂襄盛舉至于孜孜焦勞勤劬罔懈以督其事者則經歷唐公學師李公諸生王應命李躍成王文明楊曦董十四年成之功也工竣廣文兩先生以碑記屬弼

知州李進孝重修十八年鹽運使盧紘捐修盧紘重修

儒學記滄之為治與長蘆舊分二城滄城濱海而長蘆居河之涘相距四十里自州治移於長蘆而稽地理者但知滄州不復言長蘆矣長蘆使者專司釐政所隸有鹽場有竈戶因而有竈學有竈生州另有庠各不相涉自長蘆既併於州庠雖隸州司釐者亦得過而問之矣滄庠在南門外邊當長蘆署前按滄在漢唐間賢人君子固接踵以出而近時人文蔚興德業彪炳有位公卿者矣有冠南宮者矣有先對策者矣雖聯翩不替而膠庠乃發祥之地歲久而圯非所以肅觀瞻也絃忝斯任爰

及乃僚及守茲土者詒誨營度鳩工庀材殿榭廡楹以次修舉於時州之鄉先生成樂襄其事若士若商亦爭慕義以輸歷春徂夏將底厥成於時巡使使者適按部行事郡伯司理暨諸邑令咸集於茲會觀其盛塗墜丹雘完美無缺因憶滄庠臨河負海左挹清瀉右控津門人傑地靈於斯焉聚似無容補助於其間然飭几筵以妥神重師儒以嚴教凡宦茲土者固未可諉曰美鍾自然而我無所事事也矧學士筮仕牧民所治非財賦即簿書其能明於樽節愛養之術而不肯為俗吏所為者必其為聖人之徒也則大崇儒

學亦曰無忘其本始云爾

康熙五十年知州王士銓學正賈卽元重修乾隆七年知州徐時作學

正莊日榮增修道光二十六年知州李步瀛重修

州志參舊有尊經閣明成化元年鹽運使龔敦知

州志稿舊有尊經閣明成化元年鹽運使龔敦知

州武英建明婁芳創建尊經閣記節錄聖人之言曰經言出於賢人而得聖人所刪正者

亦曰經滄學之建尊經閣蓋以諸御製經書及歷代墳典因取張伯玉記六經閣語以名之也學故在舊城國初隨州治遷長蘆判官紀惟仁創其規既而監察御史丁澄奉命理鹽政駐節於斯始葺舊而一新之廟學之制於是為盛而閣則未暇也芳也不敏幸因乏使繼丁之後乃與鹽運龔敦知州武英議合而作是閣焉其創建始未與夫歲月制度之詳既得以托諸名筆矣落成之日適余瓜期行李戒途衆謂亦正德六年流賊至滄憑閣攻城事急毀之城保閣廢

州志

學額歲科試各取文章十八名歲試取武童十五

名廩膳生三十名增廣生三十名三年兩貢

州志

考棚在城內張家衚衕渤海書院內東光緒九年

知州趙秉恆州人劉鳳舞等公建

州志稿 趙秉恆建考棚記昔

者滄州書院二一為天門一即今之渤海也州志云天門書院有號房七十五間為鹽院品隲諸生之所又云

國朝雍正初升滄州為直隸州知州董思任即守禦

所廢址建學院學使按臨校士於中置考棚八十楹其時拔取者鼎甲連綿位躋通顯人文之盛畿

輔首屈一指迨雍正九年滄州隸天津學院遂廢天門書院因之俱廢惟渤海一院猶魯靈光巋然

獨存於今耳光緒庚辰夏余來牧是邦下車後時晉紳耆講求文運因葺鐘樓以復形勝增義塾以

廣栽植建祠宇以勵忠貞所冀士習文風興復如昨惟是校士之典尤重局試歷來鄉會則有棘圍

科歲考則有試院功令所在莫此為嚴亦莫此為甚矧雲程發軔肇於膠庠牧令推轂尤宜慎始也哉方滄州全盛之時

童子試動輒盈千其時州治宏敞局試其間人皆稱便及兵燹後州署無存官儼民居地頗狹隘彼

時大難初平應試者為數無多猶易位置今則澄

清日久文運丕興一屆考期擔簦赴試者紛至而
 沓來迭次進次愈增愈眾非預為之計仍借祠廟
 權宜將事不惟限之於地勢不能容亦恐弊竇叢
 生防閑非易一日者與諸紳耆再三籌畫以昔之
 天門書院及學院廢址日久年湮不復可考乃於
 渤海書院講堂後得空基一區南北長三十三弓
 六分東西闊十五弓一分經營規畫形勢咸宜余
 欣然曰得其所哉爰捐廉以為之倡於講堂西建
 文明坊坊中為甬道東西建大厦四十間北為正
 堂三楹額曰梯雲堂四圍環以甬道之外為圍
 牆牆東南闕關小門門東一院建北房三間為試
 官閱卷之所又東為廚房二間鑲房二間與工於
 癸未二月之吉至八月望日而落成斯舉也統計
 工料費銀一千六百餘兩州紳劉韶儀聞之欣欣
 然樂與圖成其費余與韶儀二人同任之監修則
 崔君唐輔總其成余君小瀛戴君普生陳君春夏
 皆預焉從此人文蔚起展風檐寸晷之才無露處
 終宵之苦芹香一采桂杏聯芳高步青雲拾級以
 上則巍巍科第庶免滄海遺珠之歎豈不懿
 與是又余與劉君韶儀所企望者焉是為記

附旗童

滄州駐防旗童應試不由州官考送每遇歲科兩

試願入應者本管佐領出具圖片送府府合州試

一場別錄送院進額無定約十名內進一名亦不

歸學官管轄此例開自嘉慶年間奉有部劄至今

遵行采訪冊 嘉慶四年十月十八日禮部劄飭

考准其就近考試俟取進後再聽其赴京鄉試至

童生赴考例應廩生保結但係初次考試尚未經

設有廩生應由本佐領具結保送

學田龐村地四十畝本官地為滄民侵隱明萬歷
十二年知州張與行究實請作學田歲收租銀八

錢州志

又田二頃四十畝明鹽運使張雲翼置歲收租銀

十二兩

同上

塞里莊田二頃五十畝順治三年置佃戶王鑽承

種歲納銀十二兩

長蘆鹽法志

青縣守禦所地方彭家莊田一頃九十九畝三分

五釐六毫萬曆三十三年巡鹽御史余懋衡運同

馮學易知州何應彪置買東至滄州河西岸西至

高家莊南至楊家莊北至八里莊原田價銀九十

四兩九錢五分

長蘆鹽法志州志 明王顯仁置學田記節錄滄州舊無學田有之

自今日直指余公始我朝設鹽運司者六長蘆其一焉與州治同城而居每督鹽使者行部必先按蒞滄州以故士被陶成而沾恩澤者視他郡邑尤深如燈油之給書院之建賑貸之頒諸所為作興士類者匪一朝夕矣獨念學田未置無以植恆產而貽遠謀督鹽直指余公乃從馮貳運之請發鹽課羨金若干令創置學田會郡守何大夫初政方汲汲于品隲以作養人材為務遂捧檄色喜奉行恐後亦捐俸金若干連直指所發者共計金若干置學田若干畝召民佃種計畝收租如所謂因膏晷艱婚葬者咸取給焉事既竣諸博士弟子請記直指諱懋衡號少原新安之婺源人貳運諱學易號乾所天台之臨海人大夫諱應彪號寓藩四明之慈谿人用是勒石以示永久且以防豪右之侵奪者萬曆三十三年建

馬廠地十三頃七十九畝本荒地乾隆十七年署

知州饒佺召墾收租為文武生員科舉費學正賈

三獲等定有條規勒石

州志稿 北岸河身傍一段一頃五十三畝三分三釐

東至嶺子西至峯堆毛家莊科南至河北至隄

又北岸外東甜水窪地一段二頃三十畝東至嶺

子西至坑窪南至隄北至道又往西北一段一頃

八十畝東至溝坑西至荒地南至隄北至小胡家

口西甜水窪地一段三頃二十五畝東至荒地西

至毛家莊科峯堆外南至隄北至道南河岸身傍

地一段一頃二十畝東至嶺子東西至竇姓地南

至隄北至河又南岸隄外地一段三頃一十畝六

分七釐東至河頭西至荒地南至荒地北至隄州

學正賈三獲訓導湯廷芳率合學文武生員謹議

立石

運學在城南河濱明萬曆二十年巡鹽御史黃卷

題建二十一年罷改學為永保觀

長蘆鹽法志參州志

天門書院在州署東明萬曆二十七年巡鹽御史

畢三才鹽運使何繼高知州盧廷選等創建今廢

州志 明楊廷蘭天門書院記天門書院者予同

里畢誠叔甫之所經始也誠叔甫以權鹽使者巡

行畿之南北諸所肇畫者若豐國課時邊儲疏利

源通商旅業井井矣顧念畿輔入郡我國家規方

千里之地而生其閒者多豐綽博大智勇沈幾之

士究其所用真社稷之幹也夫國有可効之才而

不獲以士顯士有可以靖獻之日而不獲以學用

此無異故有司不素養之過也藉令乘有餘捐不

急以養士反經以示之趨羣萃州處以居之肆必

有出於其方而宣力王室者若榛栗杞梓然作之

屏之修之平之數十年後豈無茹其實發其響者

乎乃下令有司諸守令博士弟子員皆言古者化

治文熙莫不崇儒置學猶悼序黌不廣令得視精

華實息之地增置書院濟南閔子伏生河閒毛公

董相及孔安國梁統諸人史冊爛焉其軼事可槩

見也晚近操之若束溼薪舍此不講矣若毛董諸

賢非此鄉之先物哉而諸商等不無浸浸乎嚮往

之也公遂捐俸相土鳩工庀材向離為門脩廣若

光緒戊戌

于尺入門數武為堂堂脩廣若干丈堂後為層樓樓脩廣若干丈又建諸生號舍若干間貯經史若干卷餼廩課資給以贖緩著為令落成之日公率師儒以觀厥成且為之勸學闡洙泗之源揭孔會之矩若探日虞淵而中天然也者夫自學術分而政教始歧為二故憂政則以詩書禮樂為老生之常談而憂教則以繩墨事情為俗吏之末務無他政不足以致微則病教教不足以致周務則病政各相持也交相蔽也如置菑然菑愈豐蔽愈多天下始受其蔽今誠叔甫不然通商惠工造士為之則飭憲貞度反經為之歸是政之底績而教成也髦士式於化而稱詩說禮明揚天子之庭者必足賴也四民化於俗而親上死長以為天子之金城者必足任也是教之底績而政成也今天下有崇極而圯國有必窮之疑朝有必爭之辯野有葵恤之戚園有旄旗之痛仁人之所憂任士之所勞志士之所憤萃此矣而吾一言以蔽之曰不知學知學則數十年之疑千百年之辨方二三千里之捍禦可斯須而決可頃刻而定也此非臆說也可言之而不可以行之則聖學為空虛無用之物而考三

王侯百世皆虛語矣誠叔甫以學化士以士化天下葆於未斲之樸澄於未汨之源豐綽博大智勇沈幾也者斐然願化確然獨詣學得質而速肖質得學而善成畿輔之地其將有大君子與其間乎故非學不能使政教出於一非政教出於一不得化民以成於學此誠叔甫嘉惠之微旨矣誠叔甫誠心深識獨觀於昭曠其治離臺可信傳者有挈令在不具志其書院之本始如此院垂朔會誠叔甫按事竣直指使者慎修甫俾公往代院中事宜諸所未憲者慎修甫之經飭也尤幸得撫臺夢澍李公主盟道學雅志作人聞是舉而悅之獨贖緩如干為助兵備天津道許君錫甫協謀荆基汪蔚翔甫踵至營度周詳後先共濟適成樂育而運使何君繼高董其事運同張君文奇判官尹君作賓與有賢蹟滄州盧君廷選綜理最勞所當併記蔡啟盛案此記州志失載特從前志備錄之

渤海書院在城內張家衚衕嘉慶年間創建道光

二年知州潘國詔重修同治元年知州聯雋州人

戴作霖等復重修光緒九年知州趙秉恆州人劉鳳舞等增修並建立考棚於內書院膏火由每年地租及生息收銀七十三兩三錢一釐三毫收地租京錢一千二百二十串零八百十八文為院中經費此外又有劉鳳舞捐助京錢四千串發商生息三年合計分給諸生為鄉試公費知州駱孝先

定有條規勒石 州志稿

滄曲書舍在城南運河南岸 州志朱軾滄曲書舍記畿之南有滄曲

書舍者舊為滄州張延緒之別墅去郭二里許三面距河廣七畝有亭翼然顏曰野雲怪松虬栢雜以嘉木夏荷秋菊過而留題者無虛日歲雍正癸卯予總試南宮得滄州李生之擘越明年甲辰復

總試南宮得滄州李生之擘及來謁兄先弟後循循有規矩叩其所學以敦實行崇正學為仔任著有敬業錄及儀制水利漕務釅政諸條議洋洋灑灑從體認涵養中沈思融貫明體達用準乎古復酌乎今以之見諸敷施皆有成效予心竊嘉之然素性恬退不汲汲于仕進窮居奉母頗以孝聞又能仰體慈懷所學以甄陶後進其始于城居西南隅葺即山房以資講習後從遊日集舍不能容三年乙巳春與張延緒改卜野雲亭捐資經始庀材鳩工建講堂三楹學舍五十餘間築山鑿池蒔花植樹不匝月落成一時負笈而來者近百人其訓迪多士也先器識後文藝循朱胡二公遺規大書勵學入則砥志以端趨向敦行以黜浮薄讀書以化氣質親賢以共切劇心欲虛以弘茹納形欲勞以重擔荷範身矩矱而比節于禮陶情吟咏而比和于樂凡三輔先達及兩闈所得士莫不津津道之予每憾不獲躬履其地與諸生一討論也會隨怡邸視河過滄時李生之擘亦從予奔走河干延予停半日驂以啟牖多士初入講堂聯翩來謁者蓋彬彬如也旋遊旁舍曲廊窈戶與花竹相掩映

閱其課程經書性理外以大學衍義為根柢不攻制藝而文與詩皆斐然可觀李生既從役其舅氏左方燾為之董率諸生多所成就吾知此地之克昌也夫學須靜也才須學也靜極而動理數之恆也菊呈異彩而木生連理也其師表堪備國楨而眾材皆為之榦也將接踵湖媿美鹿洞則西河之流不竭東山泗水亦可溯派而尋源也予為額其堂曰敬業樂羣復題一聯云無繩繫日這一寸光陰莫教任著他容易旋過有路登天那幾層階級直須拚的我實地踏來李生勉之亦與同學諸多士共勉之可乎時雍正五年歲次丁未上元後五日

社學各坊里俱有社學選文行兼優儒童充社師

訓課蒙童今久廢

州志參州志稿

義學 一在城內東街康熙五十四年建

舊通志

一在新縣鎮真武廟內康熙四十一年建

州志蕭夢新

縣鎮重建真武廟并建義學碑記節錄備三傳君樂施予敬神明不吝百金之費遷元武廟於鎮北施地一頃二十畝以供神廟之香火余因以義學一事謀之於君君慷慨力任其事會鎮中有德望者數人立社積金共勸厥事建立講堂三間置學田三十六畝為延師講學之資若非刻石以傳不朽不惟波諸公之善且恐其久而輒廢也爰勒之碑以告來者康熙四十一年歲在壬午記

一在城內文明街道光八年天津府糧捕同知孫

豫元知州潘國詔設州人王珣捐京錢五百千各

紳共捐京錢二百五千每年收息一百五十千零

歸儒學管理二十年知州張欽祖又於南門內關

帝廟設義館又捐京錢三百千今俱廢

州志稿

一在包公祠光緒六年樂字營統領丁德昌重建

州志稿 丁德昌包公祠義塾記祠內舊有義學歸鹽務裁去經費停止有年茲祠宇既新義學更不可廢爰撥款延師規復其舊學生以十二人為率經費均由撥款無庸學生自出其餘本營欠餉暨前長蘆運司林自運庫閒款項下籌銀六百兩德昌復捐銀一百七十餘兩購朱里口莊孝二里行糧地二頃二十四畝佃歲收租錢一百六十千文又經臬司丁捐助京錢八百千文交劉紳鳳舞收儲每月一分六釐行息歲得息京錢一百五十三千六百文擬歲奉塾師束脩京錢一百二十千茶炭等項京錢三十六千抵此款外餘息歸祠公用光緒六年記

長蘆義塾光緒十二年批驗所大使王鳳岡建

稿 經費記略青靜滄鹽甯武交阜東光河開景州鹽商捐京錢一千二百千文又運憲發銀四百兩易京錢一千三百零四千文又津海關道憲捐銀一百七十兩零易錢五百千零會同州牧發當

商作為成本按月一分行息歲得息錢三百六十千文遇閏加增擬每歲塾師脩金京錢各一百二十吊節敬各十二千贊敬各四千每塾齋夫工食各二十四千每年茶水及冬季煤炭朔望香燭約各二十五千學中一切支應均由董事按季支送不經吏胥手年終榜示造冊報查似此辦理交發既有的款不難為繼庶期以垂久遠立學之初添置書桌椅檯器具及生徒需用書籍筆墨紙張等項均由批驗所捐辦給發

道署義學在渤海書院講堂東名秉仁義塾光緒

八年天河道額勒精額建

州志稿 薛景清秉仁義塾記光緒八年之秋值額公裕如觀察津沽政通人和百廢具舉因念寒峻子弟無資供讀爰於津河兩府屬設立義塾二十所延純謹士為之師每塾徒以二十人為率給膏火創條規無非欲養其固有之天良而充其本然之善也故義塾悉標以仁名俾知觸目驚心各守乃性如天津之裕仁允仁靜海之培仁會仁

青縣之安仁滄州之秉仁南皮之瞻仁鹽山之陳仁慶雲之敘仁河間之清仁獻縣之贊仁阜城之祖仁肅甯之陶仁任邱之惠仁交河之繩仁甯津之保仁景州之景仁吳橋之佐仁故城之蔚仁東光之永仁而其命名冠首之一字或取彼邑之舊號新稱或因督建之人名姓字亦欲居是邦者顧名思義不使經理之人沒其慈祥之德耳迨額公擢任長蘆運司恐各塾始勤終怠有名無實特屬景清總司查察每歲周歷各塾詳加考稽以期核實愈以見額公保惠之忱甄陶之雅所培植兩郡寒儒贊我國家樹人之化者當移任之初而益厘其懷矣今額公以憂去官更籌鉅款為各義塾永業詳請立案並命景清仍司其事務期歷久不廢又何其周詳乃爾耶景清自顧何人受其重託敢不竭蹶圖事致蹈誤人子弟之愆自茲以往惟願教者勤其誨學者敬其業司事者並清白乃心無虧其職庶不負額公殷勤化導之苦衷而景清亦藉可告無罪也已為記

南皮縣

縣學在縣東南隅元至大三年縣達嚕噶齊忽辛

縣尹司謙修建

元張會理修文廟記南皮古名縣廟學在焉舊制窄狹不能大聖人之居至大三年夏監邑忽辛公蒞政謁廟見其卑隘荒頓同縣尹司謙等議當大崇建眾乃協心戮力首出俸金為倡耆老百餘家節次津助委知營造者寇輔等鳩工蕙事收市木植燒造甌甌值秋大熟於農隙之月卜日營作民之丁壯願趨共役監邑躬親督役於外風雨寒暑不恤司尹等計工程度費用運助不已為戟門為講堂為學舍為垣牆為兩廡次建大成之殿簷牙高啄柱石矻立枕古墉瞰泮水望之者肅然生敬稱其制矣經始于至大之秋休工於皇慶改元之夏自是輪奐一新俾後之學者春秋釋奠朝夕仰瞻豈不偉哉

明永樂閒知縣張通正統閒知縣陳毅江漢景泰閒知縣牛增弘治閒典史

張瓘正德閒河閒府通判劉寶崇禎四年知縣藍再茂俱重修

國朝順治十二年知縣吳之鎮十八年教諭韓燿珩

俱重修湯鉉重修文廟碑記節錄庚子夏恆山韓先生燿珩世德作求家學淵源以科第振

鐸南邑祇謁文廟見其掌唇崩牆碧疎脫準大懷怔營悚仄之心遂邀集邑侯紀公中含捐俸首倡以爲質的韓先生自出囊金二百我紳士量程計工各捐重貲共輸千有餘金故殿宇墻廡堂齋戟門次第修舉自辛丑肇舉歷壬寅癸卯三歲始告成焉於是櫺星璧池筍虛在列登其殿者如入孔室而聞金石絲竹之聲丹雘黼黻儼而高居瞻其堂者如見聖人而親申如天如之容其於古之庠序亦幾無以異矣遂條次其事而鑄石於學宮之左以誌其盛云

道光二十九年知縣趙士桐教諭單維模訓導金聯甲重修

縣志

學額歲科試各取文童十五名歲試取武童十二

名廩膳生二十名增廣生二十名二年一貢同上

學田舊黃河內葦地二十餘頃前志失落已久縣志

城北地一頃知縣周南置前志

城東宮家莊地一頃五十畝知縣李正華勸縣人

湯性魯施

唐里行糧地一頃一十四畝俱同上

額設學田地十六頃八畝五釐各徵銀不等共徵

銀四十七兩八錢八分七釐縣志

瀛州書院在城東北明萬曆三十年知縣李正華

建今廢同上明李正華創建瀛州書院碑記節錄今上二十有二載子以不敏筮官京之

南皮於是歲祲薦加海波仍沸操刀試割捧檄代庖河南來觀愧乏中牟之三異京西奏狀慚非王

子之十奇保障之績既微絃歌之化斯渺如其禮樂以俟方來暨閱歲滋深更張有漸承流之任雅

切甄陶於是相彼膠林普增勝概文昌有閣峙列巽隅要以拱衛星門關鑰靈氣高可盱衡大不踰

武所為借神居以培地脈於人道未見其適也清風書院在城內北街乾隆三十六年侍郎曹秀

先題額縣志

社學 一在北街東 一在南門外各設教讀一

人知縣李正華以馬廠空地易黃膺賢地二十畝

為教讀贍養之資康熙九年北社學傾圮張福蘊

以城東南正地四畝一分易與教讀承種有單照

並鄉約公呈縣志

義學 一在城內南街 一在城內北街 一在

南門 一在董村鎮 一在泊頭 一在大吳家

莊俱康熙五十四年建舊通志今皆廢縣志

道署義學曰瞻仁義塾在清風書院光緒八年天

河道額勒精額建每歲經費由道庫發給津錢二

百二十千同上

鹽山縣

縣學在縣署東南原在舊城東明洪武九年徙築

縣城知縣吳文靖移建今縣署西正統八年知縣

潘恕訓導祁鳳修天順四年知縣林惟盛修

修廟學碑節錄鹽山古為冀兗二州之域於聖朝
為畿內鉅縣其學之建置不知起自何時洪武初
縣令元城宋公訥大改作之置弟子員復其家使
樂趨於學又躬為講明道德性命之懿博之以詩
書禮樂之外者於是其知士之所以學蓋有在於科舉
文字之外者於是其知人學子知所向慕而進專力
於學而有成焉今既擢為祭酒且歿矣其流風餘
教之所沾被者有掇高科登顯仕奕奕有聲譽若
今太子太保吏部尚書王公歷官幾五十年直諫
簡重壯老如一日又其中之傑然者也景泰七年
新建林公惟盛來為縣令以故事見於先聖之廟
視其屋皆敝漏而禮殿為尤甚俯仰歎息以為學
校弗修實為令恥而謀諸僚友縣丞清河李軫主
簿舒城周海典史蘭陽曹榮經度其財貨之所自
出要以不勞於民為善民間之感義而起出金以
助其役者數十家而貧者亦相率効力恐後始功

於天順改元之春越三年而就殿堂宏敞門觀顯
嚴貌象丹青皆應圖法至於齋舍庫庖涓滴之屬
靡不煥然而新遂合羣吏率諸生釋菜以落之於
是為之記使刻石以傳且示後之令於此者嗣為
之勿替也 成化三年知縣武震修宏治十一年知縣劉

銘修十六年知縣喻嶽修並建會饌堂

堂碑節錄按鹽山之學舊去今縣治東北四十里
自洪武初徙建於茲雖累得邑侯相代修葺然經
久就圯而不可支於宏治間得光州喻侯嶽來宰
是邑迺於下車之明年詣廟徧觀太息久之遽以
改作為己任無何而羣役効職克新厥制及見饌
堂淪湮遺址且逼隘而曰有學校而無饌堂其亦
典之缺者遂相厥地而得廟之西廓乎閑曠誠足
以基然猶不自專也迺申明巡撫王公提學陳公
府主陳公而定之退而謀諸僚友司丞李君時判
簿安君果而張君瑄蓮幕魏君傑贊其成者則有司
訓李君果而張君瑄蓮幕魏君傑贊其成者則有司
雅德而弗忍置乃糾眾勾譏為記而更立石以鐫

之正德十三年知縣甄仲袖修明許成名重修廟學碑縣志云文未典雅不載十五年知縣張思温修嘉靖十年知縣時

尚儒修隆慶二年知縣蘇性愚主簿王焯修明薛廷熙

重修廟學碑節錄隆慶二年春余拜命備員鹽校客有言於余者曰鹽古冀兗鉅邑也邇稍稍罷吾邨過焉視學舍半園蔬矣子文學官也曷亟白於有司葺而完之乎是年夏余之官謁夫子廟下則櫺星門兩廡業已更新而大成殿戟門構榑撓腐尚不蔽風雨庭涂周垣級甃四坼猶舊焉余詰之弟子員云校圯有年矣頃長令府谷蘇公性愚實倡其議謀諸簿應州王公允庀工度資經始於歲之三月甫駸駸就緒則蘇公以內艱去悉董諸王公而部刺史亦以王公才下檄委重焉若今廟之成王公責也余稔其說則借司訓商河徐公一誠日與王公襄之乃王公亦毅然為已任視篆之餘輒軫念於斯四閱月而輪奐闕麗結構礱密廟貌之嚴足以棲神靈昭大觀矣殿後有敬一亭亦日

就頽塌又明倫堂對峙於制匪宜乃度堂左拓基而新之增舊營二堵焉學故有名宦鄉賢祠歲久而湮公議余勅之葺古饌堂稽邑志立扁肇祀俾文獻足徵曠典攸復厥功告成弟子員請憲諸貞石以垂不朽役言於余記做事迄竣工為貲幾二百金出於贖繼以贏財而王公與邑史南安謝公賜前學博今陞金華別駕閩人鄭公克曾余洎徐公各捐薄俸助之而趙生洋陳生梅楊生四知許生煖輩凡若干人輸助有差若董工役則省祭官傅君坡職其事咸有成勞法得並書云萬曆四十年知縣劉子誠修天啟三年知縣馬泰紳修

明霍用行重修廟學碑節錄文廟建久矣其先圯者幾修者幾弗悉也惟是當極變而維新則今日之事有足紀焉鹽山邑侯馬公諱泰紳青齊之商河人也起家孝廉以覃恩授文林郎治邑之二載有奇清風凜凜政績炳如也業已為臺臣所薦然學宮為首善朝廷普菁莪之化樂育英才所也廟舍門牆多土所望而赴於此不備於何講學於何明倫於何觀人文之濟濟為風化倡政即美有遺

議矣侯更有足嘉者鹽自二年之壬戌水城垣廟宇盡仆於地惟正殿雖不崩然椽桷瓦椽零落者十之五櫺星戟門摧折者亦十之五自明倫堂以前一望汪洋盡波澤也雖數月水涸然無復障蔽坦然一空隙地縣衙學舍通連為一廣文之居者來者率假外舍亦大變也侯甫下車目擊愕然即欲繕而時隆冬兼以歲祲事遂寢蓋侯之仁心惜民財更惜民力也明年春侯曰可以興矣即請作於當路稍捐俸給工其材木輒贊之不足者悉取資於義田則邑善人劉宗良所施率未動民已設董工復身為勸課務在亟乘蓋不數月而門廡號舍殿宇牆垣煥然改觀舊時規模復見於今日此雖費有所需而教護屬工經營措置則侯之勞也時當告成廣文與諸弟子欲立石紀功質之於予予曰是功大矣遂紀之及贊理工務則邑簿王家圭邑尉張子舉亦與有勞焉例得並書

崇禎十年教諭陳國楨修十三年知縣李雲程修

國朝順治九年知縣張仲科修十一年教諭田震修

康熙五年知縣費鉉修九年知縣朱鸞鸞修十二

年知縣黃貞麟修張文炳重修學宮碑節錄鹽之有學其始不可考而特著於明

初之宋公訥述其起為祭酒諡文恪其興學也必先講於孝弟力田仁義道德之重且大者而非沾沾於文藝之末可知也迨洪武九年吳公文靖遷新邑於茲而學隨之夫亦心宋公之心者其後三十餘年而王忠肅公翱出於其間為五朝名臣聲施天下後世為一邑光繼此科第蟬聯不絕豈非流風遺澤培養深厚教化之所及為不誣與自是之後學宮或興或廢不知其幾今海內承平盡裁天下司李改授縣令而即墨黃公貞麟以進士先李鳳陽有聲康熙十年秋補蒞茲土公履任二年吏民不忍欺國課兩徵不煩追呼敲扑以時輸納恐後訟獄衰息縣庭寂然可以卧理雖漢之循吏奚以過焉而公曰曩昔周覽學宮惻然於心久矣於是鳩工庀材一如素所經營者謀為久遠計而某某分任某事亦罔不殫厥心類者葺之黜者新之缺者補之無者創之自正殿內外以及泮池周

垣煥然改觀而公又期日上明倫堂講鐸書於斯課諸士於斯務先明乎孝弟力田仁義道德之重且大者不以空言愚吾民不以末藝陋吾士又所謂心宋公之心者乎而今且以異等擢為民部前路固不可量異日者化行俗美培養深厚復有王忠肅公輩挺出其閒聲於天下後世為一邑光是黃公之志也夫是黃公之志也夫鹽人士勉乎哉 四十八年知縣楊可喬

修五十八年縣人王業隆修雍正二年知縣李躍

龍修乾隆五十年圯於水嘉慶三年縣人趙廷翰

等移建今地 吳省欽移建學宮碑 縣志云數典未確不載 吳邦慶移建學宮碑節

錄隋開皇十八年高城改名鹽山沿仍至今其學宮創始明天順時柯學士榮碑文已云無考惟載宋公訥合是邑大改作之置弟子員復其家并論以道有在科舉文字外者故明史宋公在元至正開令鹽山旋棄官歸明初徵辟再出官至祭酒舊碑蓋考之未審也自元至明迄明天順隆慶天啟

暨

國朝康熙十二年已七次修建矣基趾舊在縣署西偏地勢窪下乾隆五十年後圯於水嘉慶改元歲大熟邑舉人趙廷翰訓導張進貢生李鈞生員張士廉等請于邑侯鄧公元煥移建東門內而以劉子恪侯董其事基位亢爽神人胥悅凡用金一萬有奇自七年落成 道光三年知縣朱希賢修咸豐

二年知縣尹式芳等修 前志參縣志 尹式芳重修聖廟碑節錄 湖邑改建

文廟肇於嘉慶丙辰其續修也以道光辛巳迄今又逾三十稔矣久漸圯敝弗稱瞻仰前令王君虹首倡捐修會調任去未覩厥成癸丑秋余宰斯邑適鹿君鍾理徐君芬兩廣文加意黌校慨然以提衡是任邑諸君庀材鳩工起大殿兩廡戟門櫺星門崇聖祠明倫堂暨名宦鄉賢忠義祠並牆壁角樓以及奎樓文昌閣悉次第舉工經始于壬子仲春落成于癸丑嘉平輪奐丹漆視舊制有加焉並以訓導學署人廢創構新區於廟之西偏計共費銀一萬八千有奇各紳捐輸及數者八十餘人援

例聲明均邀議敘董事諸君榮膺職銜吁盛哉

學額歲科試各取文童十八名歲試取武童十五

名廩膳生二十名增廣生二十名二年一貢縣志

學田 城東三里莊地共三頃明萬厯中縣人劉

永昌父子相繼捐施其錢糧詳允開除歲收租銀

二十兩縣志明丁天曜義施學田碑節錄鹽山

鼎之初徙今治而學與俱遷垂二百餘年迄今領

者靡不樂遊於其間然設立學田尤養士之法諸

郡邑多有之而鹽庠獨無誠闕典也壽官劉宗良

素懷扼腕囑其子義施學田厥子孝廉永昌遵父

遺命即割郭外腴田百畝充之又廣父之惠捐貲

置買近城二百畝併為學田邑侯王公義其舉為

請於上時撫臺靳公學臺李公左公按臺王公郡

守柯公咸下令嘉譽示鐫石以垂永久侯曰磨世

勵俗長民之事伐砮表美其何敢愛焉以余有司

教之責而學田其所掌也命為記以識之余謂推

贏賑匱澤施一時者有限流恩廣濶事垂經久者

無窮自成周養士之法廢二千餘年間孰有如劉

氏父子為之振起頽風培植士類使人人如此字

宙太和之效不幾再見乎又如捐社學義學貳區

各施田二十畝建李公祠捐田五十畝睦族人立

義田三百畝種種義施皆出自劉壽官遺言其子

孝廉君遵而行之者平昔之善行尙難縷指宜上

之人思表揚而急旌之也因並列其事為來者勸

庶於侯鐫石之意為不負云侯諱會圖滇之隆陽

人蒞治四載餘以最聞剛有惇史記之茲不著是

舉也董工則邑簿唐時是尉牛綽同理田租庠友

以貢選則劉思德劉惇德今領辛酉鄉薦趙洪錄

諸生則霍堂左望瀛祁景時劉芳譽與有勞績例

得併書

國朝順治十四年部議學田除振濟貧士外餘銀解

部後竟全解康熙十一年知縣黃貞麟申准仍存

振濟縣志

香魚書院舊在興文街西乾隆三年知縣金世昌

建縣人李士晉捐田六頃屋四十七間於院陳弘謀義

命來巡津河兩郡之地念茲密邇光華人文鼎盛迥非遠

聖天子敦崇教化培育人材有長民之責者諸所謂為訓

效而不僅沾沾於簿書期會循日行之故事忘治

化之本圖也無何果有鹽山令金君世昌率先經

始於城南建置香魚書院而邑之明經李生士晉

遂捐千金之產以贊成之自是肄習有其地訓迪

有其人廩給有其資邑之志於讀書者咸得居肆

以成事焉有感必興如響斯應今之繼李而起者

已有羊爾莊監生張宏璽其人矣余既嘉李生之
好義為之請題獎勵而又懼盛舉之久而或替也
爰列其學舍田租而為之記其條規書籍三十五
行且與金君商權頒發以為誦讀之資焉

年知縣彭良騫縣人李秀閻重修彭良騫重建香魚院碑 縣志

云文已漫後圯咸豐七年知縣李景沆移建東門

外大街北前志參縣志

書院田 楊家地六頃縣人李士晉捐助每年租

價京錢二百五十千縣志

大高莊地四十二畝每年租價京錢十七千

張家莊地六十二畝每年租價京錢十六千

汗灣頭莊地無畝數每年租價京錢十七千六百

八十文

徐家河莊地一頃每年租價京錢二十千

李振宇莊地五畝每年租價京錢四千九百六十

文

衝寺口地十頃同治六年縣人張保璿遵其父書

甲遺命捐助俱同上

社學 一在縣署東卽今預備倉址明嘉靖間知

縣時尙儒建後改爲府館隆慶二年主簿王肩移

建學西後圮

國朝乾隆二年知縣任宏業移建小南門內西偏後

又圮縣志

後圮同上

義學 一在城南香魚書院東 一在文昌閣後

乾隆二年知縣任宏業建前志 一在城東北羊爾

莊乾隆三年縣人張宏璽捐建并置田百畝以資

膏火同上

一在王忠肅公祠東明萬曆四十六年

縣人劉永建今圮縣志 一在城南帽圈鎮康熙五

十四年建 一在城內西大街雍正二年建俱同上

一在城東北羊爾莊雍正九年建縣志引舊通志

道署義學曰陳仁義塾又陳仁分塾光緒八年天

河道額勒精額建

案

慶雲縣

縣學在縣署東南明洪武六年知縣楊思義建正

統四年知縣王恭增建櫺星門戟門射圃齋房成

化開知縣唐瓚宋漢相繼增修並建明倫堂退省

堂進德修業兩齋

明劉健重修廟學碑記節錄慶雲為縣隸河間府太宗文皇帝

肇建北京實為畿內縣學之建久矣老屋支持不蔽風日師生講授於中者病之武昌唐君瓚來知

縣事始有廢墜之歎借縣丞韓君聰主簿高君明

典史陳君舉重修之謀以成化丙申秋經始功未

就緒君丁外艱去越己亥冬東萊宋君漢以名進

士來知縣事因之益增飾工乃訖自明倫堂東西

齋以及師生廡舍皆煥然一新又增修退省堂三

楹為師生燕息之所既成宋君等率官吏師生置

酒落成僉謂宜有文以記歲月訓導石州白君以

書來白君嘗一見於京邸蓋謹飭之士也故因其

請記並以為學之方告於縣告於學與弘治七年

其諸生共勉焉成化十六年二月立石

知縣趙廷麟繪飾殿廡嘉靖十年知縣李世臣奉

制建啟聖祠十一年詔立敬一亭並五箴勒石二

十八年知縣李宋重修縣人胡顯宗置祭器

明張修廟學碑記節錄我皇明自洪武二年干戈甫定

即詔天下郡邑皆立學期於化民成俗以復先王

之舊意至厚矣慶雲學自始建至今惟正統及成

化開一再修之舊制復卑陋弗稱歷年滋久敝可

皆約已節用以爲之所刺量輕重次第舉之經始於丁未之冬歷已酉春而事畢役雖久而民不以爲勞費雖多而民不知所出蓋深得夫大易節以制度說以使民之義士衆咸喜請記之寵辭不獲遂記之李公名宋字承殷爲邑有惠政清譽其他所建如城郭倉廩橋梁館舍之類未可盡舉後當有名筆記之茲不贅嘉靖二十九年歲在庚戌六月吉日立石

隆慶元年知縣熊傑增崇殿基覆以翠瓦增設櫺星門萬曆四年知

縣薛居方鑿泮池九年知縣王三益重修明倫堂

崇禎九年知縣李扶十年縣人胡璜等各加修葺

國朝順治十六年縣人崔儲類補葺正殿四角康熙

五年知縣盧元培重修正殿並葺啟聖祠明倫堂

尊經閣六年縣人王祚熙修兩廡九年知縣李居

一修櫺星門三十三年重修尊經閣乾隆四年知

縣鄧岫重建明倫堂

鄧岫重建明倫堂碑記節錄
戶多凋敝歲有災祲各當事竭蹶扶傷不遑學校是問以故荒煙零落鞠爲茂草癸丑冬余奉委署篆謁聖廟慨然久之遂有重建議明年春調署井陘事以不果乙卯余復蒞茲土於是商諸學博創捐簿一時紳士亦莫不欣然樂助爰擇吉興建始於己未之夏歷秋杪而落成董其事者劉君顯世馬生永齡也是役也所費弗繁所關實鉅願列膠庠者先之以道德輔之以文章履其地思其義比閭族黨咸知彝倫之大身體力行斯須勿懈是則余之所厚望若第以爲修舉廢墜而不知其所係在身與家國天下之重焉則將等諸尋常復名勝修古蹟之舉而豈余今日重建斯堂之志也與是爲記

二十九年署知縣汪喬年重修

雲縣學記節錄
慶雲本古無棣縣前明洪武初始析置邑令楊思義移廟學於今縣之東南正德嘉靖萬曆間遞加

國朝康熙五年邑令李居一復重葺焉今又百年矣
雖殿宇巍然而櫺星頽廢泮池淤圯照壁闕門而
未備歲在癸未予自襄國調守於津汪君繡林以
丞銜署茲邑謁廟之始卽慨然爲己任捐俸若干
金勸率紳士亦罔不踴躍者共得白金四百兩有
奇重建櫺星門三椽建東西兩闕門圍以重垣中
爲照壁戟門之壞者補之泮池之圯者葺之正殿
兩廡莫不虔加整治工未竟而力已竭予行春至
縣敬往瞻焉乃益以公費百金用觀厥成由是神
廚供几階陛甬道文昌魁星諸閣罔不墜茨甍
丹堊煥然蓋首事於仲春告竣於季夏邑之紳士
無不欣欣喜色相告慶文教之有成也汪君名喬
年安徽六安人襄之者教諭秦其昭東安縣舉人
督工者邑孝廉三十一知縣李蔭椿重修尊經
閣嘉慶元年知縣張元英重修兩廡十四年知縣
潘國詔補葺

縣志

學額歲科試各取文章十五名歲試取武童十二
名廩膳生二十名增廣生二十名二年一貢縣志
冊

學田縣東田一頃五十畝明嘉靖十八年教諭祝

繼元置縣志

縣北田三十畝明萬曆元年知縣劉應兆置又增

置四十畝無攷

又田八畝一分乾隆二十四年教諭高捷訓導鍾

士偉置

凡二百二十八畝一分其四十畝無攷覈其存者

今共為田一百八十八畝一分俱同上

古棣書院在文昌閣東初為義學乾隆三十九年

知縣白貽遠建白貽遠新建義學記節錄丁亥春

簡命承

乏斯土甫下車即詢之父老求所謂義學故址歷久傾圮興廢始末已不可考時即慨然以修復為己任顧以災歉頻仍撫恤方殷諸務叢脞未遑也數年來壅滯稍疏乃與一二僚屬及邑之士大夫僉謀修舉且捐俸貲以為眾倡眾亦莫不樂輸共得金若干乃庀材鳩工改卜隙地於翼宮之東偏既近奎光又遠塵市爰先建講堂三楹以植其基凡羣房門牆漸次增修又慮脩膏無出於檢校簿書之際得地三頃八畝內腴地若干召佃認種通計得租價銀五十兩以其四為師生薪水之資以其一為隨時修補之費越三載厥工既就余方幸歲事之易而邑之士大夫亦共樂創建之有成而又慮其久而或湮六十年知縣張元英即其舊址也咸請余記之

修葺講堂增東西學舍各三間局以重門門為塾

四後堂三間東西耳房各一書院收租地凡四頃

八十三畝九分有奇縣志

社學在學宮東康熙十五年知縣李興祖建久廢

同上李興祖社學碑記學穡社學之制所以造就孤寒補敝起廢為

國家教育人材之一途蓋亟亟乎不可緩也慶雲人

文鬱秀甲於瀛郡負奇抱瑰多出貧窶昔有社學

久遭兵燹頽廢無存今

右文敷治以興教化為首務余忝牧茲土職居師

長忍膜視不舉棄其俊髦乎於是商諸學博許君司訓張君縣尉王君暨闔邑紳衿以社學之建毅

然身任創捐薄俸共助資糧鳩工具材相學宮之震位構講堂三楹門房一楹左右廊廡六楹自是

聖天子

重修天津府志

卷三十五

吳光緒戊戌

重刊天津府志卷三十五學校

熙十八年八月吉日立石

義學在學宮旁康熙五十四年建舊通志

道署義學曰敘仁義塾光緒八年天河道額勒精

額建冊檔

津郡試館在京城西豬市口創始未詳采訪冊

天津縣學額同治五年長蘆商人捐輸請准增文

武永遠學額各六名又竈籍額各一名自

同治六年歲試始同上



卷三十五終



